

山  
左  
金  
石  
志

山左金石志卷第九

兵部尚書兼都察院右都御史蘇督湖北湖南等處地方軍務兼理糧餉山東巡撫加三級畢沅

同撰

內閣學士兼禮部侍郎南書房行走文淵閣直閣事提督所屬各省學政加三級阮元

北魏石

中書令鄭羲碑

永平四年刊并額俱正書崖高七尺八寸廣一丈一尺四

寸在掖縣寒同山

瑛陽鄭文公之碑

額二行左三字右四字徑三寸

魏故中書令秘書監使持節督兗州諸軍事安東將軍兗州刺

史南陽文公鄭君之碑

公諱羲字幼麟司州瑛陽開封人也肇洪源於有周胙母弟以

命氏桓以親賢司徒武以善職並歌緇衣之作誦乎奕世降遜

於漢鄭君當時播節讓以振高風大夫司農創解詁以開經義  
迹刊圖史美灼二書德音雲礪碩響長列揚州以十策匡時司  
空豫州以勳德著稱高祖畧恢亮儒素味道居真州府招辟莫  
之能致值有晉弗竟君道陵夷聰曜虔劉避地冀方隱括求全  
靜居自逸屬石氏勃興撥亂起正徵給事黃門持節遷侍中尙  
書贈揚州刺史曾祖審以明哲佐世後燕中山尹太常卿濟南  
貞公祖溫道協儲端燕太子瞻事父繼仁結義徒績著寧邊拜  
建威將軍汝陰太守綿榮千載聯光百世自非積德累仁慶屆  
無窮其孰能傳輝踵美致如此之遠哉可謂身沒而名不朽者  
也公稟三靈之淑氣應五百之恆期乘和載誕文明冠世雋  
樂道據德依仁孝弟端雅寡言愍行六藉孔精日氏備究八素  
九丘靡不昭達至乎人倫禮式陰陽律曆

川洞心高以沈

默恥爲傾側之行不與俗和絕於趣向之清常慕晏平仲東甲子產之爲人自以爲博物不如也蒞斯文於衡泌延德聲乎州閭和平中舉秀才答策高第擢補中書博士彌以方正自居雖才望稱官而乃歷載不遷任清務簡遂乘閑述作注諸經論撰話林數弓莫不元契聖理超異恆儒又作孔顏語靈巖頌及諸賦詠詔策辭清雅博皆行於世也以才望見陟遷中書侍郎又假員外散騎常侍陽武子南使宋國宋主客郎孔道均就邸設會酒行樂作均謂公曰樂其何如公答曰哀楚有餘而雅正不足其細已甚矣而能久于均嘿然而罷移年而蕭氏滅宋雖延陵之觀昔詩鄭公之聽宋樂其若神明矣朝廷以公使協皇華原隰斯光遷給事申中書令總司文史敷奏惟允國之律令是所議定公長子懿邕容和令器望兼資早綜銓衡能聲徽著敦

詩悅禮尤精易理季子道昭博學明儔才冠祕穎研圖注篆超  
侍紫幄公行於前吏部祕書隨其後凡厥庶寮莫不欽其人也  
於時有識比之三陳後年不盈紀懿給事黃門侍郎太常卿使  
持節督齊州諸軍事平東將軍齊州刺史道昭祕書丞中書侍  
郎司徒諮議通直散騎常侍國子祭酒祕書監司州大中正使  
持節督光州諸軍事平東將軍光州刺史父官子寵才德相承  
海內敬其榮也先時假公太常卿熒陽侯詣長安拜燕宣王廟  
還解太常其給事中中書令侯如故縱容風聞動斯可則冠婚  
喪祭之禮書疏報問之式比之制矣民肯行矣雖位未槐鼎而  
仁重有餘太和初除使持節安東將軍督兗州諸軍事兗州刺  
史南陽公德政寬明化先仁惠不嚴之治穆如清風耕桑有敬  
讓之高朝市無鞭戮之刑卽道之美不專於魯矣太和中徵祕

書監春秋六十有七袞疾薨於位凡百君子莫不悲國秀之永  
沉哀道宗之長沒

皇上振悼痛百常注遺

使贈襚策贈有加諡曰文祭以太宰以太和十七年四月廿四  
日歸葬乎熒陽石門南十三里三皇山之陽於是故吏主薄東  
郡程天賜等六十八人仰道墳之緬邈悲鴻休之未刊乃相與飲  
述景行銘之元石以揚非世之美而作頌曰

爰鑒注紀替覽前徽有賢有聖靡弗應時絲實契似且亦協姬  
於稔鄭公誕後應期伊昔桓武並美司徒恭惟我君世監秘書  
三墳剋開五典允敷文爲辭首學實宗儒德秀時哲望高世族  
灼灼獨明亭亭孤邈式甯三雍鄴風再燭作岳河窀澤移草木  
慶靈長發繼葉傳光君旣挺發循亦含章文義襲軌朱紱相望

刊石銘德與日永揚

永平四年歲在辛卯刊上碑在直南卅里天柱山之陽此下碑也以石好故於此刊之

右鄭羲下碑連標題年月凡五十一行千三百餘字字徑

二寸後有宋人題名四行云高郵秦峴西洛馮維秬同遊

神山讀魏鄭文公摩崖碑因刻其後政和三年十月晦日

凡三十三字亦正書徑二寸上碑在平度州東北五十里

天柱山絕頂其山竦立如柱昔有人訪之未及幾墜下碑

在掖縣城南十五里雲峯山之東元甯親至崖間摩挲一

過其崖黃石堅緻筆畫深勁惟後幅七八行有石理空起

處自右斜向左石工祇就平正處刻之其文仍隸屬也案

魏書鄭羲傳父墜不仕碑云拜建威將軍汝陰太守云

義奉使宋國與孔道均論樂傳俱不載可據此以補其闕

也碑多別體字如寫彳為亻為彳究作究粟作粟

頰字作罕學作學式作或皆是以縱容為從容以地爭為

詹事此亦寫者好異故增益其偏旁耳惟八索作八素

存古意左氏昭十二年傳八索九丘陸德明釋文云索所

自反木或作素又文選開居賦傲墳素之場圃李善注引

賈逵曰八索素王之法是左傳古本作八索也周禮栗氏

詩定之方中正蘊斯文於衡泌蘊字或以為蘊之別體非

是案說文艸部無蘊字有蘊字云積也从艸温聲春秋傳

曰昭十年蘊利生孽又案隱公三年傳蘋蘩蘊藻之菜六年

傳芟夷蘊崇之絕其木根皆不作蘊可知蘊字為後人所

增故廣韻以為俗字際作際乃省文猶漢人濕陰作濕陰

若所著經論賦詠及語林數卷今皆無傳是又稽古者所宜知也

元 又案雲峯山頂有鄭公石象高約三尺鑿於磐石之側身惟牛截要以下無之左肩有大宋二字右肩有政和癸巳等字餘皆漫漶意卽秦峴諸人所題縣志云白雲堂爲鄭文公遺址旁有石龕小象乃其子道昭爲光州刺史時刻記者道昭子述祖時年九歲後亦爲此州刺史往尋舊蹟對之嗚咽者卽此也

鄭道昭論經書詩刻

永平四年刊正書在掖縣雲峯山陰

詩五言與道裕口人出萊城東南九里登雲峯山論經書一首  
魏中書侍郎通直散騎常侍國子祭酒祕書監司州大中正出

爲使持節督光州諸軍事平東將軍光州刺史司州滎陽鄭道  
昭作

靖覺鏡口津浮生感人職辟志訪口遊雲峻期登陟拂衣出州  
口緩步入煙域苔替口逕口曉曠星路逼霞木口口左鳳駕口  
虛垓披矜口九賢合蓋高嶺極崢嶸非口口林營迭峻峻雙關  
承漢開絕巖虹縈劫澗岨禽朝迷寶狹鳥過亟層穴通月之飛  
岫陵地億迴首吟京關連州口萊卽還濟河漸口口未塵玉食  
藏名隱仙丘希言養神直依微姑射蹤口口朱臺日尔時春嶺  
明松沙若點屋攀石坐危口口口柄口側談對洙曠賓清賞妙  
無色肯外表三少經中精口力道音動齊泉義風光韶隸雅會  
當口吟斯觀寧口口目海淺毛流口崖瞥鴻翼相翔足終身誰  
辨瑤與口口口自古古焉用挂情憶架桓竟何爲雲峯聊可息

魏永平四年歲在辛卯刊

右刻首標題三行銜名四行詩二十五韻凡十二行末記  
年一行字徑四寸所敘官階較大基山詩刻爲詳核之魏  
書本傳皆合惟司州大中正傳稱滎陽邑中正案滎陽邑  
屬滎陽郡爲司州所轄道昭滎陽人碑舉其郡而傳舉其  
邑也道昭卒於熙平元年距此僅五年耳此碑從黃小松  
處錄寄未詳尺寸

鄭道昭觀海島詩刻

無年月正書崖高四尺廣六尺在掖縣雲峯山之西峯

詩五言登雲峯山觀海島鄭道昭作

山遊悅遙賞觀滄眺白沙雲路沉仙駕靈章飛玉車金軒接日  
綵紫葢通月華騰龍藹星木醜鳳映煙家往來風雲道出入朱

明霞霧帳芳霄起  
蓬壺植漢邪流精麗  
曼部倭翠曜天花此  
矚  
寧獨好斯見理如麻  
秦皇非徒駕漢武豈  
空嗟

右五言詩九韻十二行字徑四寸首標題一行字較小右  
角上微闕筆畫嚴整有力詩多道家語迺鄭公與道俗紀  
遊之作也能卽花字文選琴賦若衆葩敷榮曜春風李善  
注引郭璞曰葩爲古花字是也

雲峯山鄭道昭題字六種

無年月正書在掖縣雲峯山

右刻一題雲峯山之左闕也七字在東峯面西一題榮陽  
鄭道昭之山門也於此遊止十三字在東峯面北一題鄭  
公之所當門石坐也九字亦在東峯面北一題此山有九  
仙之名七字在中峯面西一題雲峯山之右闕也七字在

西峯面東一題耿伏奴從駕五字在雲峯山之陰皆桂未  
谷穀攝掖縣教諭時親登山巔跡得之黃小松以爲道昭  
所題伏奴當是鄭公從遊者此刻亦從小松處錄寄未詳  
尺寸

雲峯山題字三種

無年月正書在掖縣雲峯山之陰

右刻一題石工于仙四字徑五寸一題石工于仙人五字  
徑二寸一題東字徑三寸案石工于仙疑卽爲道昭刻石  
者因增鄭碑之後

鄭道昭大基山詩刻

無年月正書崖高八尺廣六尺在掖縣城東二十里大基

山

詩五言於萊城東十里與諸門徒登青陽嶺。基山上四面及  
中嶺掃石置仙壇一首魏祕書監司州大中平東將軍光州  
刺史熒陽鄭道昭作

尋日愛丘素篋月開靖場東峯青烟寺西嶺白雲堂朱陽臺望  
遠元靈崖色光高壇周四嶺中明起前岫神居杳漢眇接景  
霓霓裳口微三四子披霞度仙房瀟灑林石縹口口口章空谷  
和鳴磬風岫吐浮香令口口虛昌鬱鬱逸松梁伊余莅東國杖  
節牧口垣乘務惜輟暇遊此無事方依巖論孝老樹泉語經莊  
長文聽遠義門徒森出行踟躕念歲述幽衿燭扶桑栖架時自  
我豈云蹈行藏

右刻首標題及銜名四行詩十五韻九行字徑三寸案縣  
志不載青陽嶺意卽大基山支峰也碑寫頂作嶺置作置

臺作臺皆別體

鄧道昭大基山銘告石刻

無年月正書崖高二尺八寸廣一尺七寸在掖縣大基山  
右刻題云此大基山內中明峒及四面巖嶺上嵩岳先生  
焚陽鄧道昭掃石置五處仙壇其松林草木有能循奉者  
世貴吉昌慎勿侵犯銘告令知也凡五行字徑二寸多別  
體中明峒五仙壇今皆不傳案魏書道昭傳載其官國子  
祭酒時三上表請廣人才置博士生員意在崇儒興學無  
一語及好道樓真事今案此刻明是乘暇來遊爲憩息棲  
止之所慮道俗有毀棄者故爲此告誡之詞耳大作太峒  
作峒頂作嶺置作置貴作貴从亻作亻皆書者隨意增損  
不足爲訓也

大基山石人題字

正書高一尺廣八寸在掖縣大基山

右題云石人名髣髴甲申年造乙酉年成凡十三字分三行字徑寸五分筆法堅勁疑亦道昭所書姑附於此道昭刻文公碑及雲峯諸詩俱在永平四年辛卯此更在前爲正始二年也

鄭道昭白駒谷題名

無年月正書在益都縣西南北峯山之北白駒谷內

右刻題云中岳先生熒陽鄭道昭遊槃之山谷也凡十五字分三行後又題此白駒谷四字皆徑尺許筆意極蒼老益都段赤亭

松峯

益都金石記云案魏書道昭字僖伯少

而好學綜覽羣言初爲中書學生遷祕書郎累官至祕書

監滎陽邑中丞出爲光州刺史轉青州刺史熙平元年卒  
諡文恭又謂其好詩賦凡數十篇其在二州政務寬厚不  
任威刑爲吏民所愛此谷乃青州冰簾堂表海亭之遺愛  
矣山上有康熙時馬介石等遊記謂公有題名在洞中稱  
爲白雲堂中解易老今不見疑爲洞門所掩白雲堂在萊  
州天柱山卽古之光州北齊書鄭述祖傳謂在兗州誤

洛州刺史刁遵墓志

熙平三年十月立正書碑高二尺三寸四分廣二尺餘舊  
藏樂陵劉氏今在直隸南皮縣高氏

魏故使持節都督洛兗州諸

下關

高祖協玄亮晉侍中尙書左僕

下關

夫人彭城曹氏

公 魏晉

梁國

下關

曾祖彞太倫晉侍中徐州牧司空襄陽

下闕

祖暢仲遠晉中書令金紫左光祿大夫建平

下闕

父雍淑和皇魏使持節侍中都督揚豫兗徐四州

下闕

徐豫冀

三州刺史東安簡公 夫人琅耶王氏

父

下闕

公諱遵字奉國勃海饒安人也姓氏之典錄於帝圖中葉

廣淵謨明有晉祖父以忠肅恭懿聰輝

建侯所見者世往傳尸之外不復銘於

幽泉也公稟惟岳之靈挺基仁之德忠子本於立

以小節而求名無震譽以眩世少能和俗於人無際但

昂然愕然者侍中中書監司空文公高允皇

代之儒宗見而異之便以女妻焉太和中立

郡太守寬明臨下而德洽于民正始中徵為太尉高陽王諮議

秦軍事□□有古人之風器而禮焉俄而轉大司農少卿均  
節九賦以豐邦用莅事未朞遷使□□都督洛州諸軍事龍驤  
將軍洛州刺史公之立政惠流兩壘平陽慕化辟地二百方一  
江污成功告老上天不吊忽焉降疾熙平元季秋七月廿六日  
春秋七十有六薨于位朝廷痛悼百寮追惜贈使持節都督雍  
州諸軍事平東將軍雍州刺史侯如故加諡曰惠禮也惟公爲  
子也孝爲父也慈在臣也忠居蕃也治兄弟穆常棣之親朋友  
著必然之信尊賢容衆博施無窮載仁抱義行藏罔滯溫恭好  
善衆榆彌篤小子整葺泣徂年之箭駿痛龜莖之告祥奉靈輜  
而彌慟遷神柩於故鄉以二年歲次丁酉冬十月己丑朔九日  
丁酉窆於饒安城之西南孝義里 皇孝儀同簡公神塋之左  
松門永闕深局長鍵庶鐫石於下裝仲誌於幽泉其辭曰

彼彼縣胄帝僊之涓驛代貞賢自唐暨晉明哲迭興忠能繼倘  
在洛雲居徂揚岳鎮氛鯨興禿金麻道亡於昭我祖達難來  
翔位班鼎列朝望斯光顯顯懿考奉搆腰璜依仁挺信據德  
樹明紐龜出守入讀台衡惠霑千里道懋槐連清風遙被徽音  
遠盈日登農戢播稼是司巍巍高廩禮教將怡邊城俟捍戎氓  
佇治秉祚肅命董牧宣威方卦剋疰燕爽遐齡庶乘和其必壽  
泣信順而徂傾攀孺孺子罔訴摧裂子崩聲銘遺德子心昌糜刊  
泉石兮慟深局夫人同郡高氏父允侍中中書監司空咸  
陽文公

右碑文二十八行行三十三字徑五分文辭簡質書更道

媚藏樂陵劉

克綸

家元

至山左時此碑已歸南皮高氏矣

因舊在山左且得舊拓本故爲錄之錢辛楣少詹已有攷

證又汪太史師韓韓門綴學武大令億金石一跋亦詳論  
之案魏書刁冲傳載遵將卒勅其子孫令奉父雍行孝論  
薄葬遺旨此誌亦未及也碑中宛作宛河作汚棣作棣旋  
作祗龜作龜筮作莖皆別體惟僵字未詳黃小松云此誌  
有陰刻長兄慕奉宗早亡妻河內司馬氏等名鄉所未見  
俟更訪之

兗州賈使君碑

神龜三年四月立并額俱正書碑高五尺五寸廣二尺六  
寸厚六寸在兗州府學戟門下

魏兗州賈使君之碑 額三行字徑二寸

夫王□□□日方祇以斤緒□□□啓□□□□德□□□  
□□□風□□□□□□□□□□□□使□□源遼系鞞鄴





□□□□□□□□□□求□□官□□□□□財賑施親疎  
周給門姪長幼靡不贍卹等其榮悴□其豐約士□□除持  
□□宛州諸軍事左□□州□□州土荒饑連歲不登又  
境上之民好□去□君案之以□□之□□□□在優十賦  
□于其衣□□□歲稔□□既實□義用興聞□□仁外隣  
附民庶欣歌士女□□□□□名□□□□□□□□  
照灼英徽蟬聯懋系德楷世□仁惟□矩聲溢遐□□流遠□  
動□□□□言□□□□□□謨資□韶氣繪藻□葉綺績雕思  
三□□□淄澠別□思□二□□□□□績既久□□□浪  
海沂換□□鄭懷芳□□□□行□義彰詠兼糸管□具□堂  
撫莅河濟飭□□□治隆王趙□超張陸□湛懷翔風□□□  
□行既領憲□以□□猛相資惠和並布政厲秋霜澤□春露

巖栖以空上□知慕異域□□□隣□附□譔載□聲教靡□  
□□□民庶未融敬惟德化於此知降□□繼繼永馥芳風  
神龜二年歲次己亥四月戊辰朔□日丁亥□□

大義主翟旭仁 義主真定令曹安都 義主姜甫德

碑陰

題賈使君碑陰 額二行字徑三寸餘

余昔嘗見此碑墨本於彭城劉希道家希道語余曰我先君與  
石曼卿善曼卿酷愛此字謂其行筆似褚遂良疑褚書得此筆  
法余來兗州即訪此碑於州人無有知者及余重循相悅堂  
為經度行堂下庖舍中忽見此碑臥竈後為膳夫壓肉石矣  
使人出之于泥中汲水濯滌久之始可讀比昔時所見墨本雖  
班班有頽缺處而加有古氣尤為可愛因取石為座刻

中以上承之立堂之西偏以備好事者之觀既安固矣庶可久無虞也紹聖三年丙子歲中元日太原溫益禹弼題

右行書十行刻於碑陰上截字徑一寸

重題賈使君碑陰

兗州賈使君碑古人甚珍愛之何隱顯之有時也余因掌北門之管暇行城下見土中露石角詢諸人則曰是古碑也發而視之筆法高古昔人酷愛者豈欺我哉遂告知州李公命衆舉于門之右嵌石爲座復立焉更俟後之好事者知古人之用心也  
昔大元至正十二年歲次壬辰冬十一月日兗州知州李弼顏從恕既前熾陽縣尹蘇若思儼然蠡州同知丘鎮記

右行書十六行刻於碑陰下截字徑一寸

右碑文及年月凡二十三行行四十三字末題義主姓名

一行字徑七分案賈思伯魏書有傳此碑官秩皆合惜文  
多剝蝕碑云魏太師賈他之後他卽佗字又云口夜勤王  
匪躬口著遐邇欽風傳云任城王澄圍鍾離以思伯持節  
爲其軍司澄失利思伯爲後殿澄大喜思伯不伐其功時  
論稱其長者卽其事也立碑歲月字更漫漶惟神龜下隱  
隱有己亥二字考之知是二年也碑陰有宋元人記得碑  
始末甚詳其側康熙間知府金一鳳題數行以爲三國時  
物是誤以北魏爲曹魏矣翁覃溪閣學已於跋中辨正之

高植墓誌

神龜口年立正書碑高二尺五寸廣一尺九寸在德州口

氏

魏故濟青相涼邦恒六州刺史下闕

君諱植字子建勃海蓀人

下闕

茂烈皆備之

國藉家傳不復更錄

下闕

司□□□

之子君秉靈原之

下闕

憲□□□

才□□者頁賜

下闕

求□道於夕衿始此

下闕

宣武皇□□□

下闕

皇帝□

下闕

衛

下闕

理沉

下闕

絕白駒之

下闕

若□□□□我以□

方約我以

下闕

心始□

奸詐之

下闕

君在□

□□□嘗 下闕

□神□翻然 下闕

神龜□□□□□□□□

□□□□泉 下闕

至德□虛糜 下闕

名山□衢 下闕

贖子

□□□河 下闕

喉痛彼蒼

□著天幸此明公復矣哲人惟義是依每見我君終始許師下闕

大魏神龜□□□□□

右碑載田侍郎斐長河志籍考文二十一行字徑六分多

漫漶僅辨百數十字左有直線一行外刻銘辭末行紀年

存大魏神龜四字此碑存者字體精整鋒穎猶新為顏魯

公所祖洵可珍也

魯郡太守張猛龍碑

正光三年正月立并陰及額俱正書碑高六尺二寸廣二尺七寸餘在曲阜孔廟同文門東側

魏魯郡太守張府君清頌之碑

額三行行四字徑二寸

口諱猛龍字神回南陽白水人也其氏挨分興源流所出故已備詳世錄不復具載口口口盛翁鬱於帝皇之始德星口口口曜像於朱鳥之閒測元方壺之中魄巖千峯之上弈葉清高燮乎篇牘矣周宣叶口口口仲詩人詠其孝友光緝姬口中興是賴晉大夫張光春秋嘉其聲績漢初趙景王張耳浮沉秦漢之間終跨列土之賞才卓世君其後也魏明帝景初中西中郎將使持節平西將軍涼州刺史瓊之十世孫八世祖軌晉惠帝永口中使持節安西將軍護羌校尉涼州刺史西平公七世祖

素軌之第三子晉明帝太寧中臨羌都尉平西將軍西海晉昌

金城武威四郡太守遂家武威高祖鍾信涼州武宣王大沮渠

時建威將軍武威太守曾祖璋偽涼舉秀才本州治中

西海二郡太守選朝尚書祠部郎羽林監祖興宗偽涼都

營護軍建節將軍饒河黃河二郡太守父生樂

資岳秀桂質蘭儀黠弱露以懷芳松心節

有名雖黃金未應無慙郭氏受刃交遊

人年廿七遭父憂寢食過禮泣血情深假使

異今德既傾乾瀆唯恃坤慈冬溫夏清聽夕承奉

辭採運之勲年廿九丁母艱勺飲不入偷魂七朝難

心以

心以

之生死脫時當□□無愧深歎每事過人孤風獨超令譽日新  
聲馳天紫以延昌中出身除奉朝請優遊文省多儻慕其雅何  
朝廷以君陰□如此德□宜□以熙平之年除魯郡太守治民  
以禮移風以樂如傷之痛無怠於夙宵若子之愛有懷於心目  
是使學校剋脩比屋清業農非勸課田織以登入境觀朝莫不  
禮讓化感無心草石知變恩及泉木禽魚自安勝殘不待賒年  
有成朞月而已遂令講習之音再聲於闕里來蘇之歌復詠於  
洙中京兆五守無以剋加河南二尹裁可若茲雖名位未一風  
□□且易俗之□黃侯不足比功霄魚之感密子寧獨稱德  
至乃辭金退玉之貞耿拔葵去織之信義方之我君今猶古□  
詩□愷悌君子民之父母實恐韶賤遲影東風改吹盡地民庶  
遂深泣慕是以刊石題詠以旌盛美誠□能式爾鴻□庶揚然

烈口口辭曰

氏煥天文體承帝侑神秀春方靈源在震積石千尋長松万刃  
軒冕周漢冠蓋魏晉河靈岳秀月起景飛窮神開照式口英徽  
高山仰止從善如歸唯德是蹈唯仁是依栖遲下遑素心若雪  
鶴響難留口音遐發天心乃眷觀光王闕浣絳紫口承華烟月  
妙簡口口剖符儒鄉分金沂道裂錦鄆方春明好養温而口霜  
乃如之人寔國之良禮口口口口口口口口口口之恆小大以仁  
口口口洗濯此羣真雲褰天淨千里開明學建禮循風教反正  
野畔讓耕林中口口口口口口口口口口衣可改留我明聖何  
口勿剪恩深在民何以口懼風化移新飲河止滿度海迷津勒  
石旨口永下闕

蓋效將軍魯郡承北平口口口

義主叅軍事廣平宋撫民 義主驩驤府騎兵叅軍口威府

長史佐魯府治城軍主口口口 義主本郡二政主薄口口口

義主顏路 義主離狐令宋承僖汶陽縣義主南城令嚴

孝武 義主口賢文 陽平縣義主州主薄王金生

義主宋口口

造頌四年正光三年正月廿三日訖

碑陰

郡中正爰孝伯 中正顏文遠

魯郡白法相

功曹史孔暉祖 督魯弁新陽

主簿太口元哲 督汶陽弁二縣令

魯縣令杜循壽 汶陽縣令明景欣

鄆縣令韓威 陽平縣令衛安族

并縣令董文定 新陽縣令崔咸

右七行在碑額之陰正書徑八分

魯郡士望等 孔文愷 常帑 孔文 孔

宋延年 王崇吉 韋文祖 韋清龍 王天念 爰景哲

徐抄壽 王順義 王興

世遵 王文進 隆

右二十一行在碑陰額下第一列正書徑五分下同

沈難侯 王長佐 敬祖樹 王懷月 徐甫 王懷雍

王伯欣 柏奴 敬武 孔 孔 孔

右十一行在第二列

官王珍度 石事張伯奴 錄爭孔神祚 授神所

戶曹掾董榮祚 戶曹掾卜循禮 金曹掾夏熈祖 租曹

掾夏驃騎 租曹掾夏榮貴 兵曹掾顏榮茂 法曹掾薛胡

仁 法曹掾苗祖樹 集曹掾孔景進 集曹掾孫靈煥 西

曹佐星桃符 西曹佐薛文會 西曹佐秦榮族 戶曹佐卜

天 戶曹佐王德仁 戶曹佐邵席樹 戶曹佐樊道融

右二十一行在第三列

戶曹佐任榮族 金曹佐彭神景 會曹佐張靈祚 租曹佐

任文建 租曹佐夏萬秋 租曹佐張象德 兵曹佐苗桃符

兵曹佐夏文樹 法曹佐尙神暉 法曹佐□□□ 法曹

佐李智德 法曹佐常丘景祥 集曹佐王道援 集曹佐朱

伯愷

右十四行在第四列

魯縣族望 口戩 口從援 顏駟 白文雍 口莨生 王  
寄生 張神佗 口廣吉 口口 任道懷 鄧天祐 高堆  
柏聰明 張席文 辛伯仁 胡外之 于曇高 胡方進  
成灘生 顏龜

右二十一行在第五列

口普愷 陳邦軌 成順之 口業治 孔騎之 顏乞 顏  
暈蘭 張僧坦 王道林 張苟生 張閃 于景暈 成惠  
高曇貴 張兆脫 許翁 孫寄生 張陸 張顯和 成  
洛州 王願生

右二十一行在第六列

汶陽縣族望 鮑黃頭 高文景 彭定安 彭超越 孫文  
儁 成公興 孫文愷 若奉伯 管幽州

右十行在第七列

□□族望 徐伯援

右二行在第八列

陽平縣族望 吳安世 聶□

右三行在第九列

并縣族望 雋伯符 陳道愨 公乘伏德

右四行在第十列

新陽縣 田忘鳥 □□□ □□□ 樊可愔 田天明

雷天寶 田肆□ 雷僧強 梅天念 雷天恩 雷良振

田宜樹 萬方貴 梅僧援 雷普明 田河清 田惠明

雷仁德 田祖禧 田武易 田□□

右二十二行在第十一列

右碑文廿二行行四十六字末題姓名年月四行字徑八  
分案猛龍魏書無傳其八世祖西平公當晉崇莊老時在  
涼州徵胄子五百人立學校春秋行鄉社禮元魏佞佛尤  
甚猛龍獨能繩其祖武重道隆師洵守土之賢者矣頌後  
列義主十人皆其屬吏魏齊之世凡斂資刊石出資者率  
稱曰主如造象稱象主刊經稱經主勸緣稱功德主此則  
郡人頌太守之德事近于義故稱義主也碑文僞永開齊  
梁風致其中俗字如因作囡族作挨變作晚緝作緝渠作  
深稟作稟禽作禽旌作旌冕作冕耕作耕龍驤作驤驤及  
从丩作丩皆是至以磬爲磬霄爲宵仞爲刃乃通借字也  
碑陰姓名自郡縣曹掾曹佐以逮諸縣士望族望凡十一  
列每列人數多寡不齊其中異姓官名多史書所未見故

並載之

曹望愷造象記

正光六年三月造石高八寸廣二尺在臨淄縣西桐林莊  
居民墻間

右刻首題大魏正光六年歲次□□又云襄威將軍栢仁  
令齊州魏郡魏縣曹望愷敬造彌勒下生石像一軀案正  
光爲孝明帝年號是年六月改元孝昌此碑刻于三月故  
猶稱正光也歲次下當是乙巳二字栢仁漢縣魏書地形  
志作人此作仁與李仲璇碑同曹氏魏之望族魏書曹世  
表傳世表字景昇東魏郡魏人也魏大司馬休九世孫祖  
謨父慶並有學名望愷雖不見于史傳爲其族人無疑碑  
字秀勁已開唐人法脈

諸城題名殘石

無年月正書在諸城李氏

右碑祇存大魏朔廿遠等過七字高廣約三寸餘字徑六分李仁煜得於莒州村塾中筆法頗近高湛墓志

東魏石

贈齊州刺史高湛墓誌銘

元象二年十月立碑方廣一尺七寸五分文二十五行行二十七字徑五分後空一行在德州封氏

魏故假節督齊州諸軍事輔國將軍齊州刺史高公墓誌銘

君諱湛字子澄勃海滌人也靈根遠秀啓慶兆於渭川芳德邈流宣大風於東海作範百王垂聲萬古者矣故清公勢重鄭伯捐師元卿位尊管仲辟禮皆所以讓括推賢遂明風軌祖冀州

刺史勃海公文照武烈望樹中夏惠治朝野愛結周行孝侍中  
尚書令司徒公英風秀逸儂氣雲馳到願帝鄉威流宇縣君稟  
慶緒於綿基挹餘瀾於海澳幼尚端凝長好文雅非道弗親唯  
德是与逍遙儒素之間慕申穆之遺風俳佻文史之際追牧馬  
之逸漭至於弄春灑翰席月抽琴邁昔括以孤遊並時流而獨  
遠熙平啓運起家爲司空叅軍事轉揚烈將軍羽林監天平之  
始襄城阻命君文武兩兼忠義奮發還城斬將蠻左同歸朝廷  
嘉其能縉紳服其義假驩驥將軍行襄城郡事君著績旣崇賞  
勞未允尋除使持節都督南荊州諸軍事鎮軍將軍南荊州刺  
史於時僞賊陳慶率祿攻圍孤城獨守載離寒暑終能剋保邊  
陲全怡民境復除大都督行廣州事享年不永春秋卅三元象  
元季己月廿四日終於家 皇上動哀能言灑淚迺有 詔曰

故持節都督南荊州諸軍事做鎮軍將軍揚烈將軍貞外羽林  
監行南荊州諸軍事南荊州刺史當州大都督高子口識用開  
敵氣幹英發擁摺蕃翰誠効克宣臨難殉軀奄從非命言命遺  
績有悼于懷宜申追寵或光注烈可贈假節督齊州諸軍事輔  
國將軍齊州刺史粵元象二年十月十七日遷葬於故鄉司徒  
公之塋千秋易注萬古難留故鐫石泉門以彰永久其詞曰  
丹刺降祉姜水載清大人應期命世挺生垂竿起譽罷釣流聲  
經綸宇宙莫之与烹伯司下蕃公衡上宰既顯營丘復樹東海  
四履流芳五城降綵繁柯茂葉傳華無改伊宗作輔忠義是依  
清盪昏霧橫掃塵飛日月再朗六合更暈玉帛斯集福祿攸歸  
仁壽無遠積善空施風酸夏草霜結春池岷山墜玉桂樹摧枝  
悲哉永慕痛矣離長

右碑錢辛楣少詹論之甚詳湛字子澄孝靜詔字而不名尊之之意亦制詔異例也碑字秀勁爲唐時虞褚諸家所本其中滌人卽脩人古多通用至標作擲蚪作刺稟作粟瀾作瀾翰作翰席作席龍驤作駟驤旅作旅象作象及从彳與从彳互用皆六朝人好異故變其體耳末句離長二字倒書碑未改正

胡元方等造象記

興和二年立凡四面俱正書高四尺二寸各廣一尺五寸餘在泰安縣徂來山大雲寺

右碑剝蝕頗甚可辨者不及十之三四首題大魏興禾二年口庚申歲其下已泐題名中胡姓最多惟胡元方三字最分明遂以其名冠之記稱四面石柱一軀卽指此刻後

云姊妹刊石永識後代卽第二面雁門太守胡某之三女  
雲姬等也題名有稱維邨者有稱義主者有稱法義者其  
字亦有別體如龍驤作驅驤與高湛碑同

李仲琬脩孔子廟碑

興和三年十二月立正書篆額碑高六尺八寸廣二尺七  
寸在曲阜孔廟同文門西側

魯孔子廟之碑 篆額二行字徑四寸

粵若瞽忒 殺后欽明文思衝宰邁德丕顯九功咸事故能庸  
勳親賢官方式叙 惟大魏從鄴之五載 皇口興和之二年  
天口咨齋賓出日寔唯濟岱宣風敷化義屬英良以忍理思  
優敏實惟舊德昇朝收民物望斯允必能紆歌鄩魯剋振斯文  
口制口言冊拜我忍公使持節都督兗州諸軍事車騎大將軍

當州大都督兖州刺史肅姓李字仲璇趙國柏仁人也其先帝  
高陽之口哀柱史之盾左車之綿緒瑤光休彩赫奕於上齡若  
水嘉祥秣蕪於季葉肅以資解褐奉朝請俄除定州平北府法  
曹參軍仍所口口功口諮議參軍事定相離三州長史東郡汲  
郡恒農三郡太守司茂左長史中散太中大夫營構都將離兖  
二州刺史所在恩口退訓在口口松桂易地貞覆不移肅鳳  
舉雲翔風期如一帶寔天懷直置妙與神同惓然不樂思仁未  
深刑平惠和言為淳口口此資寵口八榮奕葉重光之貴氣  
韻優峻之奇政績績熙之美既備於史傳与清頌故不復詳載  
焉肅神懷疎爽風度絕口學業口口源並深口操口口松俱秀  
故其疎爽部也當未決旬言覲孔廟肅恭致誠敬神如在遂軻  
車曲垣飲馬沂流周遊眺覽尚口伊人口口怛然有口功口口

之意乃命工人脩建容像孔子曰從我於陳蔡者皆不得及門  
也因歷叙其才以爲四科之目生旣見從之侍故顏氏口  
口口於易辭起予者商紛綸於文誥是則聖人之道須輔佐  
成故曰吾有由也惡言不聞於耳所以雕素十子口口其側  
今於口口口奉進儒冠於諸徒亦青衿青領雖逝者如振風  
霜驟謝禿淪姿舊訓暖似遷新至如廟宇凝靜靈姿嚴嚴口口  
之口無以踰七口之房不能出夫道繫於人人亡則道隱術大  
義以之禿乖微言以出禿絕今聖容肅穆二五成行丹素陸離  
口口口口口激咲而口言左右若承顏禿受業是以視之  
者莫不忻忻焉有入室登堂之想斯亦化口口一隅也天誕聖  
哲佐民師口口風口闕里播口口洙泗至於歎鳳鳥之寐察傷  
河岳也莫出屢應聘禿不遇知道德之不行乃正雅口脩春秋

刊理六經懸諸日月□□載中□莫不遵□義以述任服其訓  
以成身咨可謂開闢之儒聖無窮之文宗齊美此地以考世指  
是唯魯都雖宮觀荒毀臺池□□然其廟庭也蔚□林於九冬  
罩循柯於百刃翦神枯之履躐同梧宮之巨圍至夫馮隨欲下  
則月秀霜枝鸚逐春來亦風開翠葉既□□□觀□亦足以安  
樂聖靈是以無代不加循繕誠億載以寧神憑清明在躬精思  
入激功被人神德貫幽顯豈唯營飭宣質經邦□□□□□  
如虔備岱嶽崇奉元宗敦素勦蕪興存廢絕視民如傷兼之仁  
壽體亡懷以幽詣任万物以為心□直靈津孤灑虛光□散者  
□夫一月出明可影百川一人之鑒從橫万趣爰自刺舉未或  
繁同然丹青所以曷盛□金匱所以刊不朽□□不鏤珉琤焉  
□府州佐□者七□令士民等略庠義自樹碑廟庭俾後來勗

子知功業之若掃焉乃佗頌曰

二儀肇泮人倫攸舉邈邈元王誕茲賡緒祖習堯舜獻章文武  
聲溢九天化潭八字祖習□□窮神盡妙化潭伊□□□存少  
□同履景博天孤昭燕異岱宗巖巖特峭重山隱寶深霞秘暉  
在哀之葉自衛言歸德生於子文實在茲彝倫禮樂剋叙書□  
□□驚□灰管流氣良木其摧緬踰千祀以存恕亡允諸靈意  
不貳伊人熟云循置唯商體道希政優優白鳩巢室赤雀西樓  
□罔不□智□□□器冠後栢風邁前循既繕孔豫復立十賢  
誠兼岱宇勲盡重元仰睭儀之煥爛嘉鳩業之輝聯長燕絕子  
終內永慕□于斯□

興和三季十二月十一日□坊

碑陰

鎮遠將軍倉曹參軍蓋子華 前將軍功曹參軍屈備 佗虜  
將軍錄事參軍李良賓 佗東將軍壽陽子司馬時老生 佗  
東將軍長史崔珣 冠軍將軍別駕佗事史順陽子張敬賓  
鎮遠將軍治中佗事史魏子良

右七行正書徑五分下同在碑額之陰

輕車將軍典籤王遵 寧遠將軍典籤□□□□外  
奉都尉滕子充 揚烈將軍新陽令攝典籤衛恩 伏波將軍  
員外給事中丁貴賓 冠軍將軍長流參軍劉孝遵 中堅將  
軍前平原令郗靜和 明威將軍長流參軍□□寧 典籤參  
暉 伏波將軍前襄國令長流參軍李世榮 冠軍將軍獻曹  
參軍張洛□ 佗父令朱槃父 冠軍將軍法曹參軍彭伯怡  
佗虜將軍錄事參軍張子欽 中堅將軍參軍事王元龜

樂平令秦仲暉 中堅將軍鑑曹叅軍蘇文淵 須昌令孫世

樹 平南將軍田曹叅軍劉僧仁 魯縣令宋敬遵 佗虜將

軍城局叅軍禹太安 前郡主簿陳祖明 平南將軍長流叅

軍徐法保 鎮城司馬何通 冠軍將軍騎兵叅軍范琚羅

主簿袁康生 輔國將軍外兵叅軍孫景貴 中兵叅軍張輔

仁 平遠將軍主簿范伯珎 土曹叅軍周甌 鎮軍將軍中

兵叅軍亢貴 泰山郡孝刑獄叅軍王元愷 魯郡丞孔白烏

鎮西將軍金下闕太守牛神 魯郡功曹常口孝 使持節

督郟州諸軍事下闕曰伯 泰山太守郭林略 安東將軍下

關 榮 魯郡主簿晁口負 前將軍東平太守口儻 魯郡五

官口神穆 佗虜將軍任城太守馬顯都 魯郡省事高道默

安東將軍陽平太守高元和 魯郡錄事夏蓋族 前督郡

功曹吳奉祖 祭酒佞事史禮當德 弥寇將軍憶主卜神

弥寇將軍憶主高戢愷 黃衣隊主鮑珍榮 部郡佞事史

樊口珍 部郡佞事史張金樓 部郡佞事史柏口嵩 佞虜

將軍前任城太守耿僧珍 驩驥將軍東平太守趙良佗

右三十二行分二列在碑陰上截

碑側

丙口書任城王長儒書碑

右一行正書徑六分

右碑文二十四行行五十一字末年月一行字徑八分所

載仲璇歷官案之魏書本傳多合惟定相離三州長史傳

無相州又營構都將與北史傳合而魏書則云營構將作

爲小異耳傳但言仲璇修改孔廟屠宇不言廟庭配食弟

子據碑知孔廟之升祔十哲及十哲之有素像皆自仲璇  
始又聖象祇進儒冠諸徒皆青衿青領皆學者所宜知也  
書兼篆隸如扶疏作扶蔬赫作赫營作營舉作舉爽作爽  
學作學眺覽作眺豎然作然聘作聘像作像從作從武作  
武皆別體以渾爲覃以婣爲蟬以百刃爲百仞以良木爲  
梁木以熟爲孰以尙爲圖皆通用字祖述作祖習憲章作  
獻章與今本中庸異至煥爛之爛乃正字今省作爛雕素  
之素或以爲素之別體不知素本俗字古祇作素錢辛楣  
少詹云唐青蓮寺碑有素盡彌勒佛之語是其證也沅案  
字體之變莫甚于六朝然其中有用古字處未可盡非余  
昔以文字異同著爲辨證一書意在糾正時譌間有未備  
今更詳之碑陰列銜中有稱泰山郡孝及魯郡省事皆史

書所畧碑側一條尤爲著錄家所未見也

楊顯叔造像記

武定二年口月造正書石高四寸三分廣一尺三寸餘在  
歷城縣神通寺東四門塔內

右刻凡十五行行四字徑八分蓋楊顯叔爲其亡考忌日  
作也碑中式卽戊字驟卽驟字忌卽忌字皆別體

路文助等造像記

武定二年十月刻高一尺廣七寸在萊陽縣東南三駕寺  
右記刻於石佛背上標題重修崇福寺碑記七字文叙光  
州長廣郡挺縣清信人佛弟子路文助兄弟三人爲亡父  
造錄一鐫云云凡九行末刻本寺四界所至二行其上又  
橫題三駕寺三字蓋寺本名崇福後改三駕也長廣郡晉

武帝置治膠東城挺縣在漢屬膠東後漢屬北海晉屬長  
廣光州則自北魏皇興四年分青州置而以長廣郡領焉  
縣志載縣東南八十里有三駕山山有崇福寺一名三駕  
寺有小石佛一尊雕刻甚工背有題字卽此刻也碑中像  
作錄軀作鉅弟子作弟子皆訛體耳

王雙虎等造像記

武定二年口月立高二尺五寸廣一尺七寸厚約三寸上  
銳下平在東阿縣張秋鎮白宿寺

右碑左角下書記文上節及右角下俱法儀姓名兩側有  
字多漫漶黃承元張秋志云脩寺時掘地得石佛背刻大  
魏武定二年黃氏所言蓋卽此記也

劉世明造像記

武定二年十二月造石高六寸五分廣一尺四寸拓本  
右記凡九行行六字徑八分舊在廣福寺年久湮沒僅傳  
拓本段赤亭益都金石記云碑中像从彳當時異文魏字  
說文曰高也从鬼委聲徐鉉曰今人省山以爲魏國之魏  
蓋亦古通用字也元氏至武定易魏爲齊之勢已成劉世  
明雖佞佛之辭猶殷殷爲國王帝主祈福曾無一字及霸  
朝亦爾時之砥柱也又案魏書劉芳傳其族子有名世明  
者不言其爲齊郡太守且卒於興和三年似非一人

王口叔造像記

天平四年立石高六寸五分廣一尺三寸在厯城縣龍洞  
後摩崖

右刻祇存上截凡十一行字徑五分末二行筆畫不類乃

後人所刻也造像者爲汝陽王口叔而後有車騎將軍乞  
伏銳及征北將軍銜名當是助資之人驟从粟別體

山左金石志卷第十

兵部尚書兼都察院右都御史督湖北湖南等處地方軍務兼理糧餉前山東巡撫加三級學沅

內閣學士兼禮部尚書南其行是 太淵閣直閣其提督浙江全省學政前山東學政加三級沅

同撰

北齊石

張景暉造象記

天保五年七月立正書石高七寸廣一尺四寸五分在益都縣法慶寺

右張景暉造象石座凡三面一刻記文十六行一題名六人一畫象并題名六人舊在縣北三十五里平昌寺今移法慶寺邑人李南澗段赤亭皆有攷證碑文戊戌作戊朔作羽界作塢妻作妻皆異體

比耶道拙造象記

天保十年七月立正書石高四寸廣五寸四分在黃小松司馬處

右造象記八行字徑七分頗秀勁亦有別體如象作豫邊作邊是也小松云得于正定友人今作為硯

鄭述祖夫子廟碑

乾明元年立八分書篆額碑高五尺廣二尺九寸在曲阜

縣孔廟同文門東側

夫子之碑 額二行字徑四寸餘陽文

□□齊乾明元年歲□□壘月□□□

□□只響引自□□□□□□□□□□德所以歷□□ノ無淪者其由

人予乎徽大么□□□□□□□□□□祖字恭文□□開封人即魏

安□□□□□□□□□□□□□□南□□□□□之孫鎮北將軍祕書





孝義雋脩羅碑

皇建元年十二月立并額俱正書碑高三尺六寸廣一尺

六寸在泗水縣泉林

維摩經見阿門佛品第十二

經文十二行行二十三字徑一寸不錄

碑陰

大耆卿先舉孝義雋脩羅之碑

額四行行三字徑寸餘

唯皇肇祚大耆受命引軒轅之高宗紹唐虞之遐統應孝義以  
改物揚人風以布則於是緡熙前緒獎顯上世雋啟字脩羅鐵  
土萇安食柔勃海前漢帝臣雋不疑公之遺孫九世祖朗遷官  
於魯遂住洙源幼傾乾蔭唯母徧居易色承顏董生未必過其  
行守信志忠投杼豈能著其心捨田立寺願在菩提醞味養僧  
纓絡匪悵救濟似寒傾囊等意少行忠孝長在仁倫可欽可美

莫復是過蓋聞詮賢舉德古今通尚愿秀藻才雖囊自現余等  
卿先壹伯餘人目曠其事寧容嘿口敢刊石立樓以彰孝義非  
但樹名今世亦勸後生義夫節婦 詔令所行其辭曰

恭恭易色免受承顏孝同曾閔侍比丁蘭待如握髮接若吐瀆  
酸味救飢解褐濟寒披幽釋古奉敬如來割已施造傾力捨財  
終終之念其性可衰鑿石壹朝千代美哉流芳萬古迹絕當今  
庶勸將來誰不口心忠孝之外任世浮沉絕筆刊功志畢松林  
朱陽再現相託南金訪石鏤文永保余心懸宗殞轉放筆留音  
皇建元年歲次庚辰十二月貳寅朔廿日丁酉訖功

右序銘刻於碑陰上層凡十七行行二十一二字不等字

徑七分

卿先孔口 孫散塊 陳道顯 趙回口 口口口 口口達



遺孫隽氏族望不顯於世碑陰所列隽氏多人可補氏族書之闕漏也序銘極稱脩羅孝義爲朝廷所舉且言績土長安食采渤海則亦有卓然可傳者而縣志竟無一語及之碑末署隽口生寫亦六朝諸刻所罕見者碑中絕筆刊功筆乃今俗筆字可見由來已久

下道權等造象記

河清二年立正書碑高三尺六寸廣一尺二寸上圓下方在鉅野縣西南五十里甘泉寺

右碑額間題大齊河清二年歲次癸未□□□□□像一偃凡四行兩旁尙有字迹磨泐難辨下刻姓氏三列亦多剝蝕州人李迥亭伊晉云此碑三面俱鐫佛象陽文隆起鏤刻極細兩側佛空處字若篆隸碑陰字凡十行率多模

糊明時土人耕地得之久棄道旁多致損毀後建寺于成  
化二年始移立今所云

比邱明空造象記

河清三年三月立正書石高六寸廣一尺七寸在青州府

李文世家

右造象記十六行字徑一寸翁覃溪閣學云此刻可證劉

仲寶筆法

鄭述祖重登雲峯山石刻

河清三年五月立八分書崖高四尺五寸闊三尺四寸在

掖縣雲峯山之東

大齊河清三年五月廿四日使持節都督光州諸軍事口口大  
將軍儀同三司光州刺史鄭述祖字恭文即魏鎮北將軍祕書

監青光相三州刺史文恭公熒陽道昭之子魏大鴻臚卿北豫  
州刺史司空口口嚴祖之第三弟先君之臨此州也公與仲兄  
豫州敬祖叔弟光州道祖季弟北豫州順祖同至此鎮於時公  
年始十一雅好琴文登山臨海未嘗不從常披鹿皮裘子此州  
人士呼為道士郎君及長官歷司徒左長史再履尚書三為侍  
中滄瀛異趙懷充行正得此十州刺史公之所撫莫非大蕃言  
及光部恒所欽羨只為前蹤誠所願也便從此夏斯願方遂忻  
慰登途若歸棗梓入境歎曰吾自幼遊此至今五十二季昔同  
至者今盡零落唯吾一人重得來耳於是悽感殆不自勝因南  
眺諸嶺指雲峯山曰此山是先君所名其中大有舊迹未幾遂  
率僚佐同往遊馮對碣觀文發聲哽塞臨碑省字興言淚下次  
至兩處石詩之所對之躡仰珍深珍勸哀纏左右悲感傍人雖

復曾閱之誠詎能過也但石詩季久字皆辭落賓從尋省莫能  
識之公乃曰此時吾雖幼小略嘗記錄此當是與道俗十餘人  
論經書者遂口持百餘言諸人得此乃共披拂從首及末無一  
訛舛久之方昇於此此處名曰山門左闕仍仰觀斯峯曰此上  
應有九仙之名卽遣登尋果如所說此山正南卅里有天柱山  
者亦是先君所号以其孤上千雲傍無蟻噉因以名之其山上  
之陽先有碑碣東堪石室亦有銘焉從此東北一十二里太基  
山中復有雲居館者亦是先君所立其四峯之上鑄記不少悉  
有誌錄殊復可觀今日於此略陳彼境與洪聲異迹未無淪沒  
者矣

右刻文二十行行二十八九字不等徑一寸五分縣志古  
蹟條下載雲峰石刻有河清三年光州刺史鄭述祖重登

雲峯山訪父遺蹟萊人刻石記事卽此碑也魏書稱道昭子嚴祖嚴祖弟敬祖起家著作佐郎爲鄉人所害不言其官豫州又稱弟述祖弟遵祖官秘書郎卒贈光州刺史遵祖弟順字脫麗卒於太常丞碑云仲兄豫州敬祖叔弟光州遵祖季弟北豫州順祖皆可補魏書之闕也述祖字恭文魏書失載雲峰天柱二山道昭所名縣志亦不詳皆賴此刻傳之

石佛寺佛經碑

河清口年立八分書側正書碑高七尺廣二尺六寸五分厚五寸五分在鉅野縣石佛寺

右碑正面刻經文八行行二十五字徑三寸經句未了似非止一石碑側有大安元年口治十年重立諸題名凡四

行其下截有大齊河清口口六字故據之以入北齊

鄭述祖天柱山銘

天統元年五月刻并嶺俱八分書崖高六尺三寸廣五尺

八寸在平度州天柱山

天柱山銘

額一行字徑五寸

使持節都督光州諸軍事車騎大將軍

下闕

儀同三司光州刺

史熒陽鄭述祖作

巖巖岱宗魯邦仍其致祀弈弈梁山韓國从之口口口口石

吐雲扶寸布雨五岳三望六宗九獻祈禱斯口口口口天柱

山者卽魏故通直散騎常侍中書侍郎國子祭酒祕書監青光

相三州刺史先君文恭公之所題目南臨巨海北眺滄溟西

帶長河東瞻大壘斜嶺際天層峯隱日尋口州口掌內搃六合

於眼中文鯨自此經停精衛因其止息始皇口而忘返武帝過  
以樂笛豈直蛾眉鳥翅二別兩嶠對談小大共叙優劣者也  
公稟氣辰象含靈川岳禮義以成頰矩仁智用爲樞機自結衣  
冠譽革履傳聲組綬相輝貂冕交映至於愛仙樂道之風孝敬  
仁慈之德張良崔廓未之云擬文先夏甫何从能加魏永平三  
年朝議人此州俗關南楚境号東秦田單舊武之鄉麗其騁辯  
之地民歎鄙口風物陵遲謹諮俾义非 公勿許及駢雞鄉下  
享魚理務羣情口密庶類允諧變此澆夷之俗伴彼禮樂之邦  
懋績布在哥謠鴻範宣諸史策 公久闊粉榆永懷莢梓同昇  
隴而灑泣類陟岵以興嗟於此東峯之陽仰述皇祖魏故中書  
令秘書監兗州刺史文貞 公迹狀鏤碑一首峯之東堪石室  
之內複製其銘余忝資舊德力搆前基遂秉笏朝門榮名天府

出入蕃邸陪從帷幄凡諸身歷瀛趙滄輿懷及究光行正十州  
刺史北豫州大中正三登常伯再及納言光祿大常頻居其任  
揣究庸靈無階至此直是遺薪安口餘慶濫鍾何曾不想樹嗟  
風瞻口愧日猥當今授踵迹此蕃敢慕楹書仰宣庭誨其詞曰  
嵩高峻極太華峭成祈望諸素禋禱羣經崇哉天柱迥出孤亭  
地險懋德藉此為名赫矣先 公道深義富如桂之馨如蘭之  
芬尊祖愛親存交賞禱翻屬愚淺實慙竇構

大齊天統元年歲次乙酉五月壬午朔十八日巳亥刊

右刻首題年月二行文二十五行行二十三字末年月二  
行字徑一寸五分案魏書鄭羲謚文靈此作文貞與彼異  
述祖為羲之孫道昭之子祖孫父子三世皆刺東郡可謂  
衣冠盛事碑述祖父遺軌抒寫孝思詞旨悽惻而文采華

整書法有漢魏規矩爲鄭氏諸碑之冠以扶寸爲庸寸隄  
詒爲疇咨享魚爲烹魚哥謠爲歌謠蕃邸爲藩邸常伯爲  
常伯皆古通用字惟廊食其作麗其爲省文規作頽麗作  
禮冕作冕標作櫛乃增減異體也

鄭述祖題雲居館石刻

天統元年九月立八分書碑高一尺三寸五分廣二尺餘  
在掖縣雲峯山

司徒左長史尚書侍中太子少師太常卿車騎大將軍儀同三  
司左光祿大夫北豫州大中正瀛趙滄冀懷堯光行正十州刺  
史鄭述祖雲居館之山門也

天統元年九月五日刊

右刻十行行六字後年月二行字徑一寸四分案北史述

祖傳云前後行瀛殷冀滄趙定六州事正除懷亮光三州  
刺史又云重行殷懷趙三州刺史此碑題瀛趙滄冀懷亮  
光行正十州刺史可補史傳之闕也

紀僧詒造象記

天統三年正月立正書高四寸五分廣一尺一寸三分在  
益都縣學鄉賢祠

右造象記十八行字徑五分舊在青州西門內人家門阨  
下乾隆壬子翁覃溪閣學按試時移於學宮碑寫從作佺  
軀作軀含作哈靈作靈皆別體

胡長仁感孝頌碑

武平元年正月立八分書篆額碑高五尺三寸廣七尺二  
寸在肥城縣孝堂山石室

隴東王感孝頌

額二行字徑三寸六分陽文

惟夫德行之本仁義之基感洞幽明擾馴禽獸清音帶冰而挺  
潔紫采映雪而添輝根矩定於一丸正吾絕於三矢開府議同  
三司尚書右僕射尚書左僕射尚書令攝選新除特進使持節  
齊州刺史隴東王胡長仁唯黃雅俗雄飛戚里入膺北升執柄  
端衡出牧東秦摠條連率未脫佳林之屐聊帽賈宗之務視聽  
經過訪詢耆舊郭巨之墓馬鬣交阡孝子之堂鳥翅奮自君王  
愛竒好古歷覽俳佻妃息在俯賓僚侍側辭疑秦鏡炳煥存彤  
柱識荆珉宋寥遺字所以斂眉長歎念咎追遠迷若羊公崗岷  
還同處墨飲泉慨賢勝之多獎嗟至德而無紀蘭溪儻不見松  
穀城何以知石考時開府中兵參軍梁巷之盛工篆隸騎兵參  
軍申嗣邕微學摘藻並應命旨俱營頌筆以大齊武平元季正

月廿二日權輿雕塋表建庭宇棟刻蒼文檐栽翠柏庶令千葉  
之下彌振金聲九原之中恒浮玉樹其詞曰

天經地義啟聖通神重華曾閔萊子樂春時多美迹在芳塵  
肯漢逸本河內真人分財雙季獨養壹親客舍凶刃兒埋福臻  
穹隆感異飭薄貽珍懸車遽落夜臺弗晨千齡俄古萬祀猶新  
朱驂紫蓋撫俗調民高山遠節景慕紫嘖式甞不朽永播衣巾  
居士慧明侍茂至能艸錄屯人稱朗公書者是也 開府行參

軍王思尚侍茂能文有節操

下闕

大唐開元廿三年秋七月旬有五日朝請大夫守濟州別駕上

柱國楊傑因公務之

下闕

人之行莫大於孝孝莫大於愛親則

郭公其人也竭力以養歡心而事見分甘以

下闕

達天地至德

通鬼神埋玉韋必死之期得金表全生之應實可謂人所不能

下闕  
重叙斯文顧封樹以常存抱激猷而不派傑聞孝子不匿

永錫珍類其郭公

下闕

右碑詳錢辛楣少詹金石文跋尾申嗣邕撰文梁恭之書  
隸於文中見之亦變體也碑述郭巨軼事如分財雙季獨  
養一親客舍凶弭兒埋福臻等語皆與搜神記諸書異千  
百載後賴此一闡明之尤金石文之有關風教者碑末唐  
開元廿三年楊傑題記四行趙氏金石錄每分見之茲因  
本屬一碑故附于後

徂來山佛號摩崖

武平元年刻八分書崖高四尺四寸廣六尺二寸在泰安  
縣徂來山大般若經東面

右刻佛號四行字徑七八寸凡佛字右筆下垂甚長後題

中正胡賓及武平元年二行字徑五寸

徂來山佛經摩崖

武平元年刻八分書崖高四尺六寸廣一丈餘在泰安縣  
徂來山大悲菴東南二里映佛岩下

右刻經文文殊師利云云凡十四行行七字徑六寸卽鄒  
縣尖山所刻此多六十五字然仍非全文也另一行題般  
若波羅蜜經主七字徑一尺餘又一行題冠軍將軍梁父  
縣令王子椿十一字似與前行相接子椿二字分注姓下  
限于石之故又四行字徑五寸餘首行祇存普書二字次  
武平元年四字次僧齊大衆造五字次淮卽慧遊四字筆  
法俱同經文當是一時所刻也

徂來山大般若經摩崖

無年月八分書崖高六尺四寸廣四尺四寸在泰安縣徂  
來山光化寺東南里許巨石上

右刻經文八行行六字徑七寸後王子椿等題名五行別  
有王世貴三字刻于經文第六行下字多剝蝕

薛匡生造象記

武平元年立正書在濟寧州城內鐵塔寺

右石佛一軀祇存其身連座高不盈尺記文刻於座間凡  
三面字多磨泐大意是武平元年薛匡生爲亡父母亡兄  
亡女造佛像以祈祐者乾隆癸丑夏黃小松司馬得於本  
寺塔座內乃爲補全佛首造龕仍供寺內

朱岱林墓誌

武平二年二月立碑高二尺五寸廣三尺五寸在壽光縣

田劉村

君諱岱林字君山樂陵濕沃人也自辛朝喪麻昌戶銜書親以  
建社賢亦啟國扶封於邾公加茅土方曹圻壤口魯稱雄別有  
由謚立姓因字爲氏斯卽去邑從宋蓋是殊方共致卯金則司  
空佐命當塗卽領軍贊業摯在晉嗣美表於趙垂名所謂杞梓  
繼生公侯開起哲人垂挺衣冠代襲曾祖霸儒該上素術盡從  
橫魏使持節平州諸軍事安遠將軍平州刺史俗隣堰場布以  
恩威醇酒空陳喪金不受於後謗言及樂讒巧訛鄴僚余鷹揚  
翻然鵲起擁鄉里三千餘戶來逝河南值元嘉之末朝多宰亂  
不獲其賞仍居青州之樂陵郡祖法宏下帷耽藝閒靜自得舉  
秀才釋褐南平王府行參軍遷尚書祠部郎中禮閣有聲含香  
檀美後遷司徒府諮議參軍事亡贈鴻臚卿父孝祖清規勝範

地美才高俄而魏高祖孝文皇帝熊羆竟騁蒼兕爭先化洽江  
湘令行天下錄奇異於巖藪訪隱逸於閭閻起家除槃陽縣令  
轉北海太守流涕孟侯歌謠稚子後今對古並駕分駟君膺茲  
秀氣稟是淳和王轅六里方珠比玉左智右賢擬龍齊鳳得曉  
蔡子見重侯相年始十餘身離艱苦晨蹠夕踴柴毀骨立遂使  
鳩來栖巢馬馭荔草精迥飛走捺貫幽明魏廣陵王愛善如蒼  
好書比德俾侯南服妙選英佐託以金蘭徵爲國常侍辭不獲  
已俛僣從職而侯羸荷肝難交公子介推逃賞終遠晉文未踰  
十旬還以兵解後彭城王又以皇枝之貴作牧東秦召爲主簿  
久而從命王藉甚有素不苦抑遣終遂干木之心乃申安道之  
志君雅量之地無際可尋元昆季弟推之京宦同於得喪等槩  
榮枯含章韜緜藏明晦用兄元旭散騎常侍出除南兗州刺史

弟叔業通直散騎常侍左光祿大夫高冠映日長戟陵風譽蒲  
京華聲馳寓縣縱趙孝之讓禮食曾何足云魯恭之就平名詎  
堪方此魏廷慰卿崔光韶侍中賈思伯並聰敏當世器局樹時  
結四子七賢之交飲醪投水之密留連宴烹付寫衿期黃門郎  
徐紇與君意得言忘處權居要恒思不次之舉還疑志不可奪  
醜言之暇聊申傲旨君荅云昔人有以術忤帝或道質口王辭  
之鱗羽本乖飛伏而平生庸短未希簪紱如斯之貶乞不加已  
紇愛人以禮兼相欽尚從其所好不敢繫維普泰之季水德不  
競蒼雲蓋野紫日生天烏合蟻徒聚三齊之地豎牙鳴角弔十  
二之險不異井中虛言聖出何殊轍口妄号神人拔本塞源摧  
蘭天桂春秋五十有四遐迩悲噎聞見涕零惟君大度不羣峻  
口孤上託宿假道唯仁與義規矩成則物我兼忘非夷非惠不

石不玉惻隱同於子魚友悌侔於伯雅何忽口山石折口士遽  
傾以大齊武平二年歲次辛卯二月乙卯朔六日甲申葬於百  
尺里東五里第四子敬脩自惟羅此荼毒眇然咳幼離奇以生  
龍鍾而立窮而佳子温慙閔驚岵山難陟過庭無訓攜鋤而感  
言下集冠之禽攀松弗昭寧降成墳之鳥空追士季瞻像載與  
傷慟日殫觀狀益增酸哽磬茲鄙拙式序敬猷思與泣俱文兼  
涕落先言多不備述注行盡是闕如良由才非作者情隈蕪次  
從父兄敬範史君伯第三子脫略榮華不應徵聘沉口好古尤  
工摛屬勒銘黃壤以播清風辭曰

本自高門世資陰德從來位重人兼才識運海鱗奇搏搖翅力  
繁枝不已清滿焉息其唯祖英毅唯父深沉飛纓鳴玉作範垂  
音仍生東箭遂挺南金素榮俱美出處分心其有應純和口望

餘耀替風阮德梁遊大釣捻于君子藝才何劬闕里儒英瀨鄉

元妙其三道王天崖志輕人爵菊藜危坐口裘採藥楚漢兒戲仁

雄察廓我如曾閔何論許郭其四虛言輔善實驗無親石鳥既落

儋山亦淪少傲之應遂屬高人悲王難序痛霍何陳其五仁序慶

鍾育斯才彥歷階武目過庭鯉盼似鳳方鳴如龍比絢遺孤在

笈藪焉誰二見二其六伊何慈顏弗覩口朝不食隣人罷祖比學

西河擬文東魯述虛者固情深陟其七魚山本志門豹遺風丹

青已寫元窆方崇思人下淚瞻蓋悲空山川不易規猷誼終其八

嗟二猶子瞻儀在管荷思惟訓依希如覲頌雅回詩宏文託易

追思素道敬鐫元石

右刻凡四十行行三十四字徑五分文字攷證已詳錢辛

楣少詹金石文跋尾碑云廷尉卿崔光韶侍中賈思伯黃

門郎徐紇案各傳載崔光韶爲廷尉卿在孝莊初年時賈思伯卒已三載矣思伯仕明帝朝終于侍講不言其爲侍中或史失書徐紇爲黃門郎亦在靈太后反政之初三人官位先後參差蓋碑是總敘前因約畧言之非與史異也二月乙卯朔六日甲申乙卯乃已卯之訛羅此荼毒羅字筆畫極明近人釋爲羅非是段若膺大令尙書撰異云羅蓋羅之或體維惟古通用離古音羅故離羅通用而後人區別太多失其古義古音乃罕知羅卽羅矣元案此刻作羅知六朝人猶用古字益可證也

義主造塔記

武平三年十二月刻正書石高二尺廣一尺七寸在兗州府湯氏

大齊武平三年歲次壬辰口十二月十六日訖功

蓋至道元凝幽宗理窮三塗無樂慾海三艱難復積骨成山詎  
照剝鄒之性血溢四河寧窮冲甚之域然今邑義主

百人等置宅禪園栖神口圃俱明世典常循政法承天之意於  
遠去人之情久達身懷智慧之配體納无盡之燈常飲瀟流洒  
除心垢故知四大虛假五惣難親割捨俗財寄不熾也室樂茲  
勝地造靈塔一區摸者王之真軌放舍利之口跡幾二勢巧類  
越於雀離嶧二陵霄嵯高於堯率靈像儼二滄度於恒沙相好  
魏二口口口口六日斯上下闕

右刻首題年月一行文十二行行十五字徑一寸義主下  
空三字乃造塔者姓名尚未補刻也碑中不熾卽不焚魏

二卽巍二然作然弥作於巧作巧顯作顯霄作霄皆變體

雀下一字半泐玩文義當是離字雀離與雀羅同言塔之

巧穎過於雀羅之細密也趙晉齋幾云雀離卽浮剛也常時語又見別碑

臨淮王像碑

武平四年六月立八分書篆額碑高一丈二尺廣四尺九

寸舊在青州府城龍興寺今移滾水橋北文昌祠

司空公青州刺史臨淮王像碑額三行行四字每四寸陽文

大齊武平四季歲次癸巳六月乙未朔廿七日辛酉建

竊以万川朝海大海終自爲陵五雲出山名山久而爲礪謂天

謂地悉有時而崩毀日乎月乎並無救於盈缺縱陰陽莫測夷

夏變泛奮六口口口口九翼而高視安知衆苦鱗萃五衰波

屬條與豪風競馳俄將葉露俱盡假令餌瓊髓飛王觴燭日月

馳風雨車騎如雷乘空幸延平之芴旌旗過景浮虛造子登之

岳陸生仙賦僅舉一隅張子真篇唯明片分皆亦馳於廢典之  
術環於起滅之達伴薜華之驟殞逼藤根之易絕茲焉已外衆  
生何限墨竭塵盡所未能量並驚踰□□□□累卵電謝念遺  
泡慙憊忽然則莫知其去罕見其來灾風掃而更安毒火焚而  
弗爛者而不具八解脫備六神通鬱万善而获藻超百非而迴  
越□□□至於此也若夫前聖後聖天之又天八恒之六醫王  
十方之大仙主或與定光同字數極五千或共弗沙等名萃盈  
三億雖應現季別王領處乖而妙力神光規重短疊並慈雲廣  
庇善雨周覃皎智日於重昏燃慧燈於積暗悲河鼓浪六度之  
船併浮熾宅揚煙三乘之轍俱轉威靈之大未易等級變化之  
奇寔難思議層山納於芥子仍自嶽岑巨海入於毛孔無妨浩  
淼伏闇世之狂鳥弭迦葉之毒龍波旬覩而喪魂梵徒望而辟

體誠最尊最勝莫高口法王但非滅示滅還失於慈父於是鄣  
巖徒朗值木終難虛瞻白鶴之林誰逢青雀之樹蘇令水言功  
德永遏波濤山名智慧遂潛峯粵其能闡清化於將淪振元風  
於已墜千季一有非我而誰使持節都督青州諸軍事驃騎大  
將軍青州刺史司空公寧都縣開國公高城縣開國公昌國侯  
臨淮王婁公孕彩中岳摘精大水龍章外動豹氣傍飛妙質則  
罔若珠明瓊姿則朗猶王瑩負將相之奇器懷社稷之高節經  
文大德紛綸而備九佩武殊功雜踏而兼七拂羽則搏風塵漢  
抗足則超塵絕影知管樂之爲小識元愷之非大鼓盪於天地  
之閒踈散於雲霞之表排 帝門而矯首沐 皇慈已濯鱗裂  
壤分珪旦夕兼委儀台服袞造次已之始暎金蟬鄙丁劉於漢  
日暫栖鶴沼茂陳張於晉京履每曳於南宮職頻闕於北斗迄

文昌而鳳跼入鉤陳而南眺穆陵而北負海而西分屬虛危音  
中角羽連衽與審雲爭暗旨酒共澗流競深其鳩曾樂於茲所  
尚父經封於此域孔融之見園也史慈冒難於都昌袁譚之被  
攻焉王脩赴禍於高密彝丹山而峭立迴紫城而鬱連敗燕之  
勢未淪巨漢之容尚在是爲名岳寶冠諸蕃秉判於茲義歸親  
重故能整旗蓋而碎閭閻節笳鏡而下營上帷始闢而鄉移冕  
纓彰而俗變三春未動別鼓春威九冬不作自懸冬景齊之已  
禮導之已德寬大居先威嚴次後哀恤孤寡誅鋤豪黠僞佞既  
擯奸軌斯迤持廉作寶月弗視於金王匪財而富身詎染於脂  
膏遂令神雀集苑災蝗避域孝子與順孫聚秀節妻共義士相  
望凡如此流抑亦衆寡不能備序敢復略言假細侯之行美稷  
孟堅之衆交阯子虞稱軍於區中梁道佗法於臺內持來况我

無不退飛兼憤然興嘆頹羊公之陟峴喟然垂感切孔父之臨  
川悲此有之難拘慨茲生之易滅常住之因遂植彌陀之願仍  
起故海岱之間凡諸福地罔不傾蓋悉展懇誠於是民吏承規  
事難捨而能捨表裏蒙化業難行而遂行何異草逐風伍水從  
灘變僧寶因而再盛佛日由其更懸南陽寺者乃正東之甲寺  
也既左通關闕亦右彛澗谷前望巖磐却隣泚瀾層巒邁於湧  
塔秘宇齊於化宮足使頌達羨其經啓延壽藉其賦頌感致之  
極莫與爭先果屈輪輿頻脩禮謁香甬然而霧作花劣飛而霞  
下遂於此所爰營佛事制無量壽像一區高三丈九尺并造觀  
世音大勢至二大士而俠侍焉庶國道與華胥競高 帝業共  
虛空比北舍靈賦命盡植優花乃具以三心成之百寶白銀之  
麗咸寫紫金之妙畢圖象如五嶺之旋卽之便覲日似四溟之

潔驗之猶在毗楞寶冠帶左而馳耀鉢摩突髻據右而飛光望  
舒之迥處星中湏弥之孤暎海外僅堪方此何以尚茲時長史  
解封寶司馬李元驥別駕宇文幼鸞治中崔文惠及諸僚佐等  
並洽□□莛贊成高義狀鱗波之邁得剋風毛之互舉恐炎涼  
遽徙繚竹難存便勒美於貞石庶永於軌以迺作□曰

駛河難測暗海无邊津梁莫□□□□念念不住苦苦相公  
生猶電轉滅甚雲旋昔住今來靈仙非一騎龍駕周排雲躡  
朝登王樓夜遊瓊室終歸聚散安知假實常住無我寄在天尊  
業苞真俗事斷名言惚峯鵬搆慧浦疎源神儀或掩像法弥敦  
亦有人英翹然孤上似竹千仞如松百丈帶□之蕃仁深譽仰  
一方饒益千城注想覺花常吐愍葉恒春誓將調御寧求轉輪  
爰脩佛寶於此東秦項光仍射眉相還陳雙樹結影三蓮接耀

五道光合十方輝眺果名奇特是稱衆妙樂地在茲馮湏遠名  
福之所暨寧專爲我但藉合識俱圓妙果行值嵐風方逢劫火  
空餘勝績無騫無墮

右碑首標題一行文二十八行行五十八字徑寸一分碑

已斷裂

元

得舊拓本闕字無幾碑陰有唐人題龍興之寺

四字傳爲李北海書金人摹刻此碑隸法嚴整有魏晉風  
格段赤亭益都金石記云案于欽齊乘曰龍興寺在府城  
西北隅脩身坊乃南史劉善明故宅宋元嘉二年但呼佛  
堂武齊武平四年賜額南陽隋開皇元年改曰長樂又曰  
道藏武后天授二年改名大雲開元十八年始號龍興有  
北齊八分碑刻制精妙所言府城似指今城且文內稱前  
望崩磐却隣泚瀾是南陽寺原在今西門內淘米澗西而

碑建於其中也碑不知何時裂斷上截以鐵束之李南澗  
文藻謂寺廢後明商河王輦置城北弥勒寺復久就圯乾  
隆四十七年秋大風雨所束鐵脫上截岌岌欲傾乃移於  
滾水橋文昌祠內欲傾者已龜裂作七八段矣惜無好事  
者創義復建之恐此斷石不能常保也爽鳩見左氏傳未  
聞有讀其鳩者此乃字訛耳舉字韻會謂古文率字案說  
文率作率捕鳥畢也象絲罔上下其竿柄也今內從言安  
得謂之古文突髻之突金石文字記曰廣韻肉俗作突越  
絕書飛土逐突正作突乃俗書也鉉曰之鉉據文義當作  
銘臨淮王者婁定遠附見其父婁昭傳但云瀛州刺史不  
及青州而和士開傳定遠與趙郡王叡謀出土開爲兗州  
刺史未行士開納賄定遠得留復出定遠爲青州刺史責

叡以不臣之罪而殺之定遠歸士開所遺加以餘珍賂之  
乃免錢辛楣少詹云定遠以是年六月造像成立碑明季  
爲穆提婆所誣縊死事佛之福安在哉元又案姦軌斯逃  
姦軌卽姦宄尚書寇賊姦宄周禮刑正義引作姦軌隸  
字與說文同今皆作夥俠侍之俠與夾扶同義公羊傳注  
滕薛俠穀士喪禮婦人俠床東西前漢書叔孫通傳殿下  
郎中俠陛季布傳任俠有名師古曰以權力俠輔人也碑  
蓋本此妙質則囧若珠明囧明兒也說文云囧憲屬麗慶  
闔明象形讀若獲買侍中說讀與明同玉作王與篆文合  
至竊作竊遠作遠藤作藤扶疏作莪蔬算作竿袞作袞聰  
作惚皆俗體也項光疑是頂光之誤鉉曰之鉉拓本已泐

比丘尼法綉造像記

武平四年九月立正書石高四寸廣二尺在青州府署財神閣下

右造象記十七行字徑七分段赤亭益都金石記云乾隆辛丑夏得於府城東北隅房安恪墓間案齊乘府東北隅美政坊古有名皇化寺者意卽其寺之物歟

### 六山摩崖十種

武平六年刻俱八分書在鄒縣六山

一刻大沙門僧安與漢大丞相京兆韋賢十九世孫州主薄兼治中鎮軍將軍膠口長史口睢州刺史興祖弟子深妻徐息欽之休兒等同刊經佛於昌邑之西繹口參山里于時天降車跡四轍地出湧泉一所故記大齊武平六年歲乙未六月凡九十一字三行字徑五寸餘案韋賢字長孺

其五世祖韋孟家本彭城爲楚元王孫戊傅去位徙家于  
鄒賢遂爲魯國鄒人篤志于學通禮尚書以詩教授號稱  
鄒魯大儒仕至丞相乞骸骨歸事詳前漢書蓋韋氏世居  
鄒縣久矣北齊書列傳祇有韋子粲稱爲京兆人兄弟十  
三人子姪親屬闔門百口悉在西魏此碑子深疑是其兄  
弟行也武平六年爲齊後主嗣位之十一年逾年亾國韋  
氏諸人安居東土奉佛刊經若不知有興亾之事者碑云  
天降車跡四轍地出踊泉一所案北齊後主本紀武平四  
年四月癸丑祈皇祠壇墻藂之內忽有車軌之轍案驗窟  
無人跡不知車所從來碑卽紀此事也踊泉事未詳此與  
後一石皆從黃小松處借錄未及尺寸

一高二丈二尺廣一丈二尺刻波羅審經六行行十三字

徑一尺八寸第二行泐一字餘俱完好與韋子深等題記相近記云同刊經佛于昌邑之西當卽此也

一高二丈二尺廣五尺九寸刻文殊師利云云凡三十三字分三行字徑一尺九寸字體與前波羅蜜經相同亦韋子深等所刻也

一題經主韋子深妻徐法仙九字一行字徑九寸子深卽興祖弟已見前刻

一刻諸行旡常朱生滅寂滅韋平振韋玉爲口口息口業振息長遠凡二十四字徑一尺至八九寸不等拓者分爲十幅不能得其文義

一高六尺六寸廣五尺四寸刻經主徐時經主韋口都口卽經主韋子深凡三行字徑九寸

一高七尺八寸廣三尺八寸刻書晉昌王唐邕妃趙儀同  
陳德茂口陳德信妃董凡三行字徑一尺晉昌王上有書  
字未曉其義或拓者有遺漏也案吳山夫金石存載北齊  
唐邕寫經碑中列銜稱特進驃騎大將軍開府儀同三司  
尚書令并州大中正食司州濮陽郡幹長安縣開國侯晉  
昌郡開國公唐邕眷言法寶是所歸依以爲縑緗有壞簡  
策非久金牒難永皮紙易滅于是發七處之印開七寶之  
函訪蓮華之書命銀鈎之迹一音所說盡勒名山于鼓山  
石窟之所寫維摩詰經一部勝鬘經一部學經一部彌勒  
成佛經一部起天統四年三月一日盡武平三年歲次壬  
辰五月廿八日云云據此則唐邕寫經摩崖非祇一處惟  
不知鼓山石窟在何處耳又案山夫所載碑文稱晉昌郡

開國公此刻則稱晉昌王與齊書邕傳合因竝識之

一高一丈五尺廣四尺刻大空王佛四字徑三尺餘與韋子深題名相近其山土人呼爲大佛頂亦因此字而名之也

一高五尺三寸廣五尺六寸刻與大比丘僧云云凡六行三十二字徑八寸

一高二尺廣三尺二寸刻沙門僧安道壹六字分三行字徑八九寸不等安道壹又見後周小鐵山題名自稱東嶺僧應是一人也

### 公孫文哲等造象碑

無年月并陰兩側俱正書在鄒縣南關外

右碑正面鐫佛象九軀上題大象主公孫文哲大象主公

孫先鳥爲母凡十六字分四行字徑五分碑陰橫題象主  
菩薩主佛主邑子維那等姓名凡三列每列二十行兩側  
各存象主姓名五行字徑八分多殘泐無立碑年月惟碑  
陰有韋子深姓名故與尖山各刻連類及之此種亦黃小  
松錄寄未詳尺寸

石經峪金剛經殘字

無年月八分書在泰安縣泰山石經峪

右刻字徑尺餘年久磨滅存者無幾拓工以一紙拓一字  
未詳文義因取金剛經數對祇存二百九十六字並劍光  
泰山道里記以爲北齊王子椿書元案吳山夫金石存載  
北齊唐邕寫經有維摩詰諸經不止一種今鄒縣尖山摩  
崖亦有晉昌王唐邕題字筆法與此相同或出邕書未可

知也經中何作何耨作耨莠作莠皆六朝變體

張思文等造象記

承光元年正月立正書凡四面每面高五寸廣一尺在諸城縣李孝廉仁煜家

右造象記二面刻記文十四行字徑九分二面刻畫象并象主李道和等題名五人字徑七分正月乙亥爲齊幼主受禪改元之日至二十五日巳亥歸周而齊亡矣國勢如此張思文猶以國祚永隆民寧道業祝之殊可嘖也

亞祿山宇文公碑

無年月正書石高一尺四寸廣四尺在掖縣亞祿山頂右題云光州刺史宇文公撫育邊民恩同赤子治方清美  
口甚文王之化口口願樂過於口口魁弱相口口故口山

□□建造碑銘萬□□記凡十一行字徑三寸案光州之名惟北魏北齊有之其餘自宋迄隋皆稱青州也魏書地形志皇興四年分青州置光州延興五年改爲鎮景明元年復自是至齊相沿不改鄭述祖于河清三年拜光州刺史是北齊仍稱光州之證也府志沿革表未列北齊疎矣宇文氏之列正史者北齊書無之魏書惟宇文福宇文忠之二傳其先世及子孫族屬未有刺光州者史傳闕畧甚多茲因無名氏可攷姑埵鄭道昭諸碑後

水牛山佛經碑

無年月并額俱正書碑石高六尺廣二尺四周有花邊在寧陽縣水牛山洞中

右經文十行行三十字字經寸五分碑額中刻佛像左右

刻文殊般若四字黃小松藏本多碑陰題名十五行

水牛山佛經摩崖

無年月八分書在寧陽縣水牛山

右碑黃小松錄寄未詳尺寸首曰舍利弗凡五十二字弗  
卽佛字

普照寺造象殘碑

無年月并兩側俱正書在濟寧州城內普照寺

右碑首曰夫□□□□□助疏難尋等字似北齊之刻兩  
側有比丘維那等名及唐太和□年字

富胡女造象題字

無年月正書在嘉祥縣七日山聖壽寺

右題字一行惟富胡女三字可識玩其筆跡似北朝魏齊



共汲蕪竭之練口財法肆口口口用之口口仍割家貲捨如霜  
葉在皇周大像元年歲大淵獻八月庫申朔十口月口子瑕正  
更口之口四達口之陽前觀先嶧峨峨視拂口口口却瞻岱獻  
魏魏旣排雲之嶽兼復左頁過巖元臨傳勳表裏山川林口口  
文於是有口口口安臣睿道鑒不二德悟一原匪直八相咸韜  
書工尤最乃請仲豪於四顯之中以寫大集經象等口口九百  
廿字道口司口拔口乃約石岳之口納常質六龍上繞口瑩五  
彩口雲雙口下蟠甲負口口口口路口口口口玉口口觀金蘭  
周穆記功教口口紹口今滕口口譬彼蔑如也釋近本運之世  
工十二那由他衆生發菩提心一萬六千天子得无生法口况  
此群英聯珪共珮口口善心採斑僂之巧成斯福業者乎茲今  
鑄構逢劫火而莫燒神口一口對口口而常住尔其丹青口唯

山口齒其盛法金石長存口以彫之不朽此巖不琢之葉何觀  
璋寸同返鶩藻謝巨猶覽此致誠何堪并躍聊措寫彙以申短  
韻乃作頌粵

世口大道非若口口空來寐住能卷能舒想口口崖口離陷途  
称肌仁鳥放鴿殘軀六度常滿三空不缺敢緝遺訓式口餘烈  
縑竹易銷金石難滅託口高山永留不絕尋師珥翰口口曲  
口吟義誕妙越英繇如龍蹠霧似鳳騰氛聖人幽軌神口秘法  
茂茲寶木樹標永劫

右刻因崖高字大艱於椎柘元所藏柘本祇八十字每以

未見全文爲憾嘉慶丙辰夏黃小松司馬錄寄新拓全本  
始知造經人匡喆爲丞相匡衡裔孫書經撰頌之人已缺  
其姓文凡十二行行五十二三字字徑七寸崖上尙有

篆書石頌二大字各徑二尺餘摩崖未詳尺寸案縣志載  
匡衡其先東海郡永人遷居鄒縣之羊下村村在城北三  
十里元興社匡氏子孫當北齊時或仍聚居于此不因全  
拓此碑則匡氏後人竟湮沒不顯矣

小鐵山摩崖殘字八種

無年月俱八分書在鄒縣小鐵山

- 一刻部離二字分拓二紙字徑一尺二寸在岡山石壁
- 一刻佛善二字分拓二紙佛字徑一尺七寸善字徑一尺
- 三寸在部離二字之右

一刻實性善男子菩薩一行凡七字在佛善二字之右尺

寸未詳凡後不言尺寸者皆由他處錄寄薩字六朝唐人皆不从產孫觀

察足衍云薩卽薛字異文故一切經音義作扶薛蓋聲之

轉耳

一刻寧朔將口大都督任城郡守經主孫口凡十五字分  
二行在小鐵山石壁之左

一刻東嶺僧安道壹著經凡八字一行在寧朔將口之右  
安道壹已見北齊尖山摩崖此與寧朔將口一行連屬故  
仍列此

一刻搜揚好人平越將軍周任城郡主薄大都維那闍長  
嵩凡二十一字分三行在東嶺僧之右搜揚好人乃北齊  
所設官卽徵求遺逸之意唐房彥謙碑云開皇初頻詔搜  
揚人物是隋初猶沿此制也闍長嵩在後周時曾爲任城  
主簿此與前段郡守孫口皆志乘失載

一刻齊口任城郡云云凡四行行五六字不等在後段佛

善男子經文之東

一刻佛善男子經文五十八字在岡山之陽尺寸未詳朱朗齋云小鐵山與岡山相連而志乘不載當是後起之土名也

崗山摩崖佛經四種

大象二年七月刻在鄒縣城北崗山

一刻如是我聞云云凡十行在大石東面一刻掌恭敬云云凡五行在大石南面此與上種末二字文義相連一刻二郎比丘惠暉題名及大象二年七月三日云云凡九行第八行上有佛像一在大石北面以上俱八分書字徑六寸一刻神通之力云云正書凡五行在崗山後面崖高四尺一寸廣六尺三寸五分字徑一尺三寸一刻曜金千日

照炎如百八字分三行書兼篆隸曜字从目別體此與大象二年佛經同在一山因埒于後

葛山摩崖二種

大象二年刻八分書在鄒縣城東北葛山石壁

一首行刻木平維摩詰云云凡十一字句義未全次行大象兩年云云凡十三字徑一尺八寸

一拓本二紙一題如來二字一題可寺二字徑一尺五寸此與小鐵山部離佛善等字筆意相同疑一時所刻也

隋石

口口遊妻造象題字

開皇元年十一月刻正書在濟寧州晉陽山石佛座間右刻四行多殘泐乾隆壬子運河司馬黃小松訪得

仲思邨等造礮碑

開皇六年二月立正書碑高四尺五寸廣二尺三寸在鄒縣石裏村

大隨開皇六年歲次丙午二月壬午八日巳丑兗州高平縣石裏村仲思邨等卅人造礮之碑

蓋形同石火忽有便無命似浮泡儵存還滅若不傾心捨命如薩埵之投骸剗已精誠沃尸毗之救鴿自非仰習二士之功音海寧容可渡然今大自主仲思邨等卅人謹見村南分派成池滌水竟流从起澗溝之浪阻隔長徃致使陽朱泣分岐之淚瘵僞身形遂登高樓焚香啓發變化衆緣四部崇助謹於此處敬造石礮一消之所急緩通傳永絕替留之歎而盈美薦婉媿可觀又採石荆山訪匠周隨福力自天名師忽至曷龍看若乘虛

模花衆蜂覽集漏佛雨坎相同百工左右侍衛八部備足藉此  
橋像福及邨等茂若春蘭尉殊夏馥身比乾《季同弗石學並  
宣尼仕登卿相敬法伏摩三途逝絕昔秦王越海人鬼懷嗟義  
取成功能言義德其詞曰

運石荆山藍田採玉接軫連鞍首尾相續欄桃再紅其功始足  
織女來遊江妃屢囑

右序銘十八行字徑一寸刻於上截碑首刻佛象左右有

造象姓氏凡三行

都維邨大督士階新蔡鎮將仲子口 維邨張仕栝 維邨仲

子建 維邨周子建 維邨薩長遷 維邨王廻各 維邨邵

洪臻 維邨仲口閻 維邨仲長孺 維邨高口摩 維邨高

文口 維邨口口燕 維邨口口則 維邨邵口周 維邨孫

桃口 維那張難及 維那口口口 維那龐繼炸 維那張

子才 維那周士進 維那仲金馬 維那宋文尙 維那孫

小飢 維那孫道兵 維那萬口洛 維那仲博洛 維那萬

子高 維那仲預璋 維那神小飢 維那張舍利 維那仲

長遵 維那周多壽 維那仲文洪 維那蔭哈 維那仲登

生 維那仲元軌

右題名三十六人分十八行字徑一寸刻於下截

碑側

大唐上元二年歲次癸丑八月癸丑朔 維那趙子路

右年月題名二行字徑一寸碑為顏運生教授拓本桂未

谷云水經注泗水又南經高平故城西泲水注之案高平

故城在今鄒縣南石裏村在縣西南五十里今仍稱石里村臨

白馬河卽洗水此爲洗水造橋也碑云漏佛而坎坎謂碑首陷處刻有佛象而卽滿之異文漏佛謂佛身雕鏤空透耳碑又云剋已精誠汰尸毗之救鴿案洛陽伽藍記惠生西行七日渡大水至如來爲尸毗王救鴿之處卽指此事元案碑中別體字甚多皆沿魏齊之舊惟隨改爲隋自文帝始今碑仍題大隨豈當時令甲不盡從耶

比丘尼靜元等造象記

開皇七年九月刻正書崖高一尺一寸五分廣一尺一寸七分在歷城縣佛峪

右記十行字徑一寸凡偏旁从亻者皆从亻北朝字體往往如是

千佛山造象題字四種

開皇年刻俱正書在歷城千佛山洞壁內外

一高二尺一寸廣六寸題開皇八年五月口十五日口口  
口造象記凡五行字徑七分其上又有囉嘛呢巴彌吽六  
字徑二寸一高八寸廣一尺一寸題開皇十年八月李景  
崇造象記十行字徑一寸一高八寸廣六寸題解省躬記  
妻鄧同禮凡二行八字徑二寸一高四寸廣一寸四分題  
甲子口五云云一行字徑九分以上四種乾隆乙卯九月  
元將赴浙江始搜得之縣志皆未著錄何夢華又云黔婁  
洞旁尙有隋人題名數行益嘆古蹟之失于耳目前者正  
多也

章仇禹生等造象碑

開皇九年口口月立正書碑高五尺七寸廣二尺七寸厚

五寸在汶上縣辛家海三官廟前

右碑已裂爲二正面刻佛在金棺上囑累經一卷左右列大象主章仇禹生等題名碑陰下截列邑子等名并記年一行側有百千万等字二行餘皆漫滅經文中垂入金棺欲焚其身焚蓋本說文焚字之變也酒肉五辛肉作宀乃別體捉筆捉鑿之具鑿五音韻會以爲卽鑿字

雲門山造象題字十四種

開皇年刻末種仁壽二年刻俱正書在益都縣雲門山陽石洞大佛龕下

一題開皇口年九月二日朱洞妃妻造佛一軀云云凡三行一題道元等名凡七行一題鹿潘妃云云凡五行一題供養佛云云二行一題像主蘓位云云凡九行一題象主

元海云云凡八行一題亡母敬造云云凡三行一題開皇九年五月十二日像主宋乾馳云云凡三行一題大隋開皇十八年三月八日像主趙金云云凡四行一題開皇十九年五月一日九字一行但有年月而無題者姓氏一題佛弟子詹元供養七字一行此種字體與上一行相類恐是分拓者一題宮頂瓊造像記十一行一題僧口口造像記三行一題仁壽二年四月十五日陳汝珍造象記四行以上凡十四種皆段赤亭於乾隆乙卯春訪得者故詳記之

口照禮造象記

開皇十一年正月刻正書石高四寸六分廣一尺在萊陽

縣初給事

彭齡家

右記凡十六行字徑五六分不等或云此是天尊造象今  
所見祇拓本形如曲尺殆亦刻於坐間者

陳思王廟碑

開皇十三年立正書碑高五尺一寸廣三尺二寸在東阿  
縣西八里魚山陳思王墓旁

王曰植字子建沛國譙人也淵源竊九泉於深崇□□□□  
峻自帶輿□□□□興焉其子若國啟基日周室顯霸業於  
東經彰茅封於黜邑瓊根寶葉蒔芳蘭如莫朽軒□相溥襲緇  
紳而不絕此乃脩頌典冊聊可綴槩而言矣還承相舉迺成王  
室遺勳隆重位闔上宰受國平陽□□厥後鳴鸞佩玉飛蓋交  
映祖嵩漢司繇太尉公職掌三事旋窩論道美器阿衡出任  
不亦宜乎父操魏□祖武皇帝資神龍虎剖判□□目則基

名頌識牒謠敞真人火運告終土德承麻爰據圖錄亨有天下  
駟改質文馳遷正朔英雄之氣蓋有餘矣昆 丕魏高祖文皇  
帝紹卽四海光澤五都負辰剛堂朝宗萬國允允威庶績咸  
熙正踐昇平時綱寧晏致黃龍表瑞驗兆漳濱玉虎金雞恆論  
宇窳 丕乃黃內通理媪淋哈英穀哲稟於自然轉愍由於天  
縱佩金華臥邁四氣抱玉鼎如忽風霜綴贈藻於孩爾攝曾什  
於馮歲尋聲制賦膺 詔題詩詞彩照灼子雲遙車於吐鳳文  
華理富仲舒遠愧於懷龍又能誦萬卷於三冬觀千言於靈見  
才比山巒思並江湖情辭苑苑訾敷葩之蔚麗林綠藻妍妍如  
河英之照巨海疏庫太官山譽握促之器尚也但祿由德賞頻  
亨 皇爵建廟十六車封平原侯十九季改封臨淄侯都不以  
貴任爲懷直景清雅自得常閑以內藉偃仰琴書朝覽百篇夕

存吐握使高擲擅名之士侍宴於西園振藻才出之寸陪遊於  
東閣 黃初二年奸臣謗奏遂貶爵爲安鄉侯三風進立爲  
王口京師面陳濫謗之罪 詔令復國自己嚮正信如見疑抱  
利器而無用每懷怨慨頻啓頻奏四事改封東口口五季以陳  
前四縣封復封爲陳王已讒言數構奸臣內興十一季裏頻口  
茂罷汲汲無歡遂發憤而薨時年卅口口即營墓魚山傍羊茂  
臺平生遊陟有終焉出所旣如事代夏遠兆瑩崩淪茂響英聲  
遠而不絕至十代孫曹永脩等去邑朝 皇建二年蒙勸尊  
孝照 皇帝恢宏古典敬立二王崇奉三略永洛等于時膺符  
表貢面奉照 皇親訓聖 詔比經窮討皆存實錄蒙勅報允  
興復靈廟饋嗣蒸嘗四時受謁使恭恭嗣身得展衷誠之願堯  
堯孝孫長非昊天之恩遂雕鏤真容鑄金寫狀庶使口一廟度

永劫而不泯七步文宗傳芳猷於萬葉者也其詞粵 唯王啓

石斯固締緒攸長波連口游枝帶扶桑分珪作瑞建國開壘蕙

樓蘭閣遠邁靈光其一器調高竒風革梳朗談口刮舌靈地呀掌

東閣晨開西蘭夜賞綉華桂茂玉閨金響其二聲馳天下道冠生

民才驚曠古德重千鈞混之不濁磨而不磷如何壺旦萎我拓

人其三山舟易共日車難駐靈謝人間長遵堦路風衰松栢墳穿

狐兔何世何胤還成七步其四迺考惟昆鹿芝洪基原圖應麻運

台紫微一辭皇闕永背象口口口口轉響逐雲飛其五大隋開皇

十三年歲次皇口口口

右碑有額無題字似有畫象已不能辨碑文凡二十二行

行四十三字體兼篆隸其中增損假借之字已載錢辛相

少詹金石跋尾尚有未及者如茅封作芋封典冊作典冊

丞相作承相字縣作宇蘇蒞淋含英作愠淑哈英西園作  
西蘭讖言作詭言風格疎朗作風革梳朗皆是也

張洪亮造象記

開皇十五年四月刻正書石高四寸四分廣二尺一寸在  
益都縣廣福寺

右記首敘年月及造象之由次列姓氏十九人凡二十八  
行造象祈福兼及州縣令長惟有此刻亦可見古風之淳  
也征字德字皆省筆从亻又案默曹殘碑有李荒此云李  
荒女可證彼是隋刻無疑

比邱尼修梵石室銘

開皇十五年十月立正書石方廣一尺四寸餘在益都縣  
城內李文世家

故比邱尼釋循梵石室誌銘 并序

比邱尼諱循梵俗姓張氏清河東武城人瀛州刺史烈出第三女幼而爽晤規範閑明有同縣崔居士南青使君出第五子外德義故歸焉未獲偕老而君子先逝遂發菩提心出家入道不意法水常流劫火將滅旨開皇十三年八月廿三日終于俗宅春秋九十有一十五年十月廿四日窆於石室兄弟相撫貫截肝心烏鳥出心終天莫報先王制禮抑不敢過馮翊吉子才高學博請撰其詞式昭元壤

留城祚土超都建國代有詰人門多通德王祖王父有文有則駐馬期童褰褶述職載挺淋質天資柔惠梁婦辭榮萊妻避世心遊正覺行依真諦超彼勝津昇茲善摺電多急影泡是虛緣形歸掩石神住開蓮春鶯朝喚秋螢夜燃徒令鴉泣匍匐空山

右碑十七行行十七字徑七分文頗雅潔銘爲吉子所撰  
其序又出一手也段赤亭云脩梵終于開皇十三年年九  
十有一是生於梁武帝天監二年魏宣武帝景明四年南  
北八朝已闕六矣張烈魏書有傳云字徽仙其先清河東  
武城人徙居齊郡之臨淄烈少孤貧涉獵經史有氣概以  
守順陽勳封清河縣子後爲瀛州刺史元象元年卒於家  
所著有家誡千餘言子二人又案青州崔氏有僧淵者北史  
作僧深遊唐高祖諱會爲南青州刺史有六子魏書俱有傳其第五  
子名祖螭普泰初與張僧皓謀叛誅計脩梵此時年二十  
九歲其夫似卽祖螭而誌諱言之所謂使君殆指僧淵也

舍利塔下銘

仁壽元年十月刻并額俱正書碑方廣二尺五寸在益都

縣城南廣福寺

右刻額題舍利塔下之銘凡二行徑三寸文十一行行十二字徑一寸八分有勅使等題名八人分上下二層字徑一寸下刻孟弼書三字段赤亭益都金石記云寺在隋時名勝福內有宋殘石幢作廣福其地在隋屬臨朐齊乘云漢置臨朐縣屬齊郡以縣東朐山取名晉省入昌國縣隋開皇六年改爲蓬山縣大業初仍改臨朐碑銘曰蓬山卽臨朐也今隸益都安邱張杞園謂此碑雖佞佛祝釐之辭而文頗雅馴字穠勁饒古意非篆非隸真八分也新城王阮亭採入居易錄今驗此碑特正書稍兼隸法耳錢辛楣少詹金石文跋尾載仁壽元年六月十三日立舍利塔詔書可與此刻互證也

大業甄文

大業三年刻正書黃小松司馬得于濟寧鄉中今贈李鐵橋

右甄題大隋大業三季遵德鄉故人郭雲銘凡十四字三行字徑寸四分案遵德鄉州志失載題曰故人亦當時誌墓之物也

陳叔毅修夫子廟碑

大業七年七月立八分書篆額碑高六尺五寸廣二尺四寸在曲阜縣孔廟同文門西側

修孔子廟之碑

額二行字徑三寸陽文

若夫惟道惟德或仁或義既漸散於英華遂崩淪於禮樂天生大聖是曰宣尼雖有制作之才而無帝王之位膺斯命世塞厄

補空述萬代之典謨爲百王之師表始於漢魏爰逮周齊歷代  
追封秉圭不絕我

大隋炎靈啓運翼下降生繼大遼之高蹤紹唐帝之遐統憲章  
古昔禮樂惟新偃伯修文尊儒重學以孔子三十二世孫前太  
子舍人吳郡主簿嗣愨封紹聖侯

皇上萬機在慮兆庶貽憂妙尚卜能委之邑宰於此周公餘化  
唯待一變之期夫子遺風自爲百王之則禮儀舊俗餘何足云  
用能奉 天旨敬先師勅孔宗修靈廟卽曲阜陳明府其人也  
明府名焄毅字子嚴潁川許昌人昔堯之禪舜實釐女於有虞  
周室封陳亦配姬於媯滿漢右丞相建六奇之深謀魏大司空  
開九品之清議明府卽陳氏高祖武帝之孫高宗孝宣帝之子  
至如永嘉分國代歷五朝郭璞有言年終三百

皇朝大統天下一家爲咸陽之布衣實南國之王子於是遊情  
遊宇削跡市朝砥礪身心揣摩道藝策府蘭臺之秘藉雕蟲刻  
鶴之文章莫不成誦在心借書於手金作玉條之刑法桐囚木  
吏之奸情一見仍知片言能折所謂江珠匿曜時虧淵月之明  
越劍潛光每動衝星之氣爰降 詔書廼除曲阜縣令風威遠  
至禮教大行政術始臨奸豪屏息抑強扶弱分富恤貧部內清  
和民無疾苦重以德之所感霜雪無灾化之所行馬牛不繫鯁  
魚夜放旱彰深釜之篇乳雉馴馴自入鳴琴之曲遠唾龐統不  
任百里之才俯笑陶潛忽輕五斗之俸於是官曹無事囹圄常  
空接士迎賓登臨遊賞觀泮水而思歌尋靈光而想賦加以祗  
虔聖道敬致明神粉髀栴塗丹楹刻桷可謂神之所至無所不  
爲振百代之嘉聲作干城之稱首敬鑄金石之文永同天地之

固其詞曰

皇非常道帝實無爲時澆俗薄樸散淳離世道交喪仁義爭馳  
書亡詩逸禮壞樂虧降生大聖載修墳史積善餘德追崇不已  
於穆 大隋明命 天子新開紹聖重光闕里伊我陳君清德  
遠聞溫溫玉潤苾苾蘭芬淵才亮美拔類超羣時逢

上聖以我爲令導之以德行之以政用此一心和百姓子還  
名賈兒多字鄭奸雄窟伏賦役平均心居儉素志守清貧魚生  
入釜雀瑞來臻寢席孔碩靈祠赤弈圓淵方并綺憲畫壁因頌  
成功遂歌美績共弊穹壤永固金石

大隋大業七年辛未歲七月甲申朔二日乙酉

濟州秀才前汝南郡主簿仲孝俊作文 孔子卅一世孫孔長  
名卅四世孫孔子歎□□□

右碑文十九行行四十七字末年月姓名二行字俱徑寸  
碑云孔子三十二世孫前太子舍人吳郡主簿嗣愬封紹  
聖侯案闕里文獻攷世系表載嗣愬隋文帝時應制登科  
授涇州司兵參軍遷太子通事舍人煬帝大業四年十月  
詔封紹聖侯不言曾爲吳郡主簿可據此以補其闕也卅  
一世孫長名世系表載三十一代孫名長孫當是二人耳  
卅四世孫子歎据宗譜嗣愬子德倫生二子長崇基襲封  
襲聖侯次子歎是子歎卽嗣愬次孫也碑中機作機笑作  
嘆愬作愬朔作朝皆別體

隋青州默曹殘碑

無年月并陰俱八分書側正書碑高一尺六寸厚六寸在

益都縣

石秘應之理雖深傳通之  
鴈作經藏壹所於是銅擱翅矯  
未優匹以化成我猶稱麗且地  
委雲屯迴向之心自慙受持之

此行  
無字

方泚涇觀爲虎号閣起麟名於

通論門高剖但能迴向卽堪長

寫嚴飾邁世超倫岌峩矧擱堯

濟我之功德無量無邊嵐風勿

此行  
無字

寅朔八日辛酉建 青州默西

碑陰

嚴法玉 霍憐 高散 孫外興 孫季儒 張護 馬相

裴會 孫洪鳳 孫清醜 王舍 裴武 步中興 王禊首

嚴明珍 劉袞 馬智選 徐法僧 曹正始 孫蘓 蕪大

胡 李紹世 徐曇休 王莫遮 孫興 李黑鼠 姚胡兒

許金 霍思伯 宋普貴 陳悅 趙伯兒 張明 張倪

王繼焯 池邊 口又遠 蕪伯同 鹿惠雄 徐延 李終

惺 董桃 高塢 張思 傅伯兒 劉穎榮 韓解脫 張

大瓊 口道益 韓興 鄭永洛 鄭須陔 趙道始 李肫

口儉 鹿石兒 邢祖 孫太 李方穎 梁士章 口懷玉

王葦生 楊永興 王文遠 秦利 鮑鳳 呂智 景光伯

夏都 孫婆羅 賈護 趙鳳 口臺生 封奉伯 其世明

馬社生 林珍 崔建 口口口 劉元副 高藏 王略

王洪 李荒 □□□ 杏□□ □□□ □永貴 □青

翟通

碑右側

王皓 孟散愁 許滂 張暉宗 楊綠女 張口 依薩施

淳于領民 李侯 敬胡道 孔寄生 辛田 王法寧 阿

奴 路光 王興國 秦浪海 徐祖玆 朱瑗亮 胡荒

張世 管樊 周洪 單清奴 肖伽 朱遵 石暉 □□

周質 李靈

右殘碑文九行字徑寸二分碑陰姓名十五行行六人碑

側姓名五行行六人字徑八分段赤亭益都金石記云此

碑書法奇古友人得於城西隅田間意亦南陽寺中物後

為人所毀存者僅十之一耳前四行為序空一行後四行

爲銘又空一行後題年月職銜陰與側雜記姓名余攷此碑必是隋刻得數証焉隋承十六國之後人名多沿其陋內孫清醜王莫遮李黑鼠韓解脫鄭須陀孫婆羅等類一也齊乘謂隋開皇元年改南陽寺曰長樂又曰道藏碑云作經藏一所二也廣福寺隋開皇造象題名有李荒女此有李荒三也錢辛楣少詹跋敬使君碑陰云題名有功曹士曹鎧曹集曹默曹皆府屬官而隋書百官志有墨曹無默曹是當時借默爲墨四也碑中慮字老字戠字禘字刻字敬字字書俱無禰字選字禘字必儒選儉之俗書彙卽董字武梁畫象董永亦作董榎集韻音董正字通以爲董之訛管與靈臺碑成陽令管遵同卽管字節爲飭之訛體韓勅後碑有修飭字此作節者又其變耳渭作滑論倫一

字旁皆从廂皆當時異文他若借愷爲喜借莨爲長同魏敬使君碑借壹爲一同隋龍藏寺碑而壹字書作壘爲字書作爲真所謂隸兼篆法者矣

蓮花洞造象題字三十種

無年月俱正書在長清縣五峯山蓮花洞

右造象在洞外東壁者五種在洞內北壁者二十三種在洞內南壁者二種每種五六字至廿餘字不等內有妻字作婁及稱清信女皆與隋張洪亮造象記同遂據此附于隋末此亦段赤亭親至五峯搜得之皆嚮未著錄者

蘇子岫等摩崖題字

無年月正書崖高三尺廣一丈二尺餘在濟寧州晉陽山

慈雲寺後石壁

右刻字多漫滅第一行存卍字第二行子裕二字三行薛子岫三字四行薛季習三字八行存都字俱徑尺餘字體類六朝因無年月可攷姑附隋末

晉陽山摩崖殘字

無年月正書在濟寧州晉陽山慈雲寺

右殘字二紙前一紙凡五行字徑三寸可辨者次行主字三行騎字四行孝約二字餘皆漫滅後一紙祇一是字徑八寸黃小松司馬於乾隆癸丑五月與薛子岫等題字同時拓得因竝附焉

元家樓造象殘碑

無年月正書石高一尺七寸廣二尺餘厚五寸在濟寧州

元家樓關帝廟前

右碑已殘闕正面鐫像二層佛座下截及象左右皆刻姓名碑陰字多磨滅右側有字四層皆邑子姓名碑無年月可攷因章仇禹生等造象亦有邑子姓名與此同遂增隋碑之後

元家樓殘碑

無年月正書高一尺二寸餘廣一尺七寸餘在濟寧州元家樓關帝廟前

右碑正面畫象已磨滅碑陰字十七行徑一寸內惟建功十年及成道成聖二語讀之成文餘多殘蝕碑無年月與前刻同增隋末

梁王墓題字

無年月正書在嶧縣城西二十里梁王墓中

右拓本從黃小松處錄寄張太守 玉樹 云嶧縣新出玉虛  
擒陽洞五字在城西院山前光莊迤南梁王墓中墓載縣  
志未詳梁王封號姓名但云蘭陵爲蕭梁故里封王子弟  
沒而葬此明正德中盜發空其中云云案嶧縣之爲蘭陵  
始於荀卿適楚楚以爲蘭陵令卽此地也六朝時地屬北  
魏不歸蕭梁安得復分子弟於故里沒而葬此乎山左古  
墓大率出於傳會惟查邑志載南北朝蕭靜之性好道舉  
進士不第因絕粒鍊氣不知所終後人或以其與梁王同  
姓謬襲崇稱而又以好道之故遂題玉虛擒陽之額歲久  
埋沒今復出土耳因無年月可系仍附六朝之末

### 洪福院佛經碑

無年月正書碑高四尺廣二尺在嘉祥縣洪福院

右碑正面鐫佛象五層陰書佛經一卷無書人姓名朱朗齋以爲隋刻

仰天山畫鼎

無題字崖方廣一尺在臨朐縣南七十里仰天山觀音洞

口

右刻鼎象一下有三足承之四周別無鏤文頗似師曠墓前漢畫筆意簡樸斷非唐人所能及因增隋碑之後

曲阜佛象石幢

無題字高三尺四寸廣九寸四分在曲阜縣城內

右佛幢六面內一面邊有花闌中界三段各鐫佛像一軀餘五面中有十字界線五段每段鐫佛像二軀雖無時代可考觀其儀狀似亦六朝人所爲乾隆乙卯春顏運生教

授得於白楊店昇入城內

山左金石志卷第十終